



09994

大泌山房集卷之一

京山李維禎本寧著

四言詩 丙午後作

中丞三章為胡從治生孫作也

中丞熊軾問俗雲中子也似穀吉夢維熊為公侯兆為
帝王輔以表東海齊師尚父

御史臺柏瞻烏爰止柏有孫枝烏更將子僕呼哺公是
為仁孝日中者踰自他有耀

翮翮鳳毛振振麟定繩其祖武無忝公姓天帝之孫為
四嶽宗胙爾孫子方國世封

大泌山房集

卷之一

詩一

右三章章八句

甘露

甘露瀼瀼于彼護草君子之澤無憂用老

標有梅其露甘如飴君子之功以調鼎嘉

英英白雲為此旨酒拜獻于公以祈黃耆

天降膏澤汜布濩之彼君子兮載覆露之我歌且謠以
永譽之

右四章三章章四句一章章六句

瑞麥

海若不仁波稽天兮野無生稼突無烟兮豈弟君子哀

顛連兮勸分賑廩租苴蠲兮帝嘉乃德用康年兮

何以降康維此來牟一莖兩穗雲之油油昔也每食不飽今也甌窶滿篝

率我婦子鼓腹而嬉吳趨不多昭德之施

維人勝天何憂乎海若無以公歸下民誰籲

右四章一章章十句一章章六句二章章四句

劉母并詩

有序

劉給事中時濟十有二歲亡其母母曰王孺人自爲劉氏婦事舅姑孝相夫勤儉且行汲於井執爨供數十人飲食夜則刀尺機杼聲相續也一日失

大泌山房集

卷之一

詩二

足墮井死姑以下諸姑伯姊及里婦稱其事閱數十年無不隕涕給事時過井所輒慟絕鄉人因名之劉母并云

妻爲親主婦爲夫相服勤致死孝哉能養我思古人孰者克尚汲江亡子庶幾頡頏

桔槔挈水數若泔湯懿彼漢叟抱甕皇皇無以機事而斲天常疇則則之女也不爽

八口之家季女尸養異水入水養而不窮人也食德遑閱我躬淚如縷縻遺思則同

彼姝者子居井之眉豈不日戒棟棟威儀身提黃泉其

德靡虧些。竊偷生。胡考奚爲。母也劬勞。貽子似穀。勞民勸相。維日不足。以求王明。並受其福。并收勿幕。旌此賢淑。

右五章章八句

崇蘭館詩

綠葉紫莖。羅生堂下。于焉居室。其芬可藉。久要不忘。與之俱化。

睠子多能。徵在楚辭。柰之撩之。紉之旌之。以膏以沐。罄無不宜。

有懷二人。偕老無恙。循彼南陔。采之就養。宜爾兄弟。自

大泌山房集

卷之一

詩三

甄靈貺

維彼國香。人所服媚。以爲而子。似穀錫類。勿替引之。備成熙事。

豈曰無人。幽而獨芳。願言握之。畫省翱翔。嘉謀入告。弼我君王。

在水一方。匪沅匪澧。結以延佇。貽我公子。同心之言。其臭固爾。

右六章章六句

遂絲堂詩

惟王綸綍。惟聖經綸。綱紀萬類。文質斌斌。事無無漸。物

無無因積之一縷富有日新

累寸得尺累尺得匹自朔及晦四十五日有弱者女所
其無逸良士瞿瞿分陰勿失

欄浼則濁載渥載盃魁蜃則腥載塗載沃相彼慌氏敷
求多蓄先民有言石可攻玉

淑人帶只姝子紕只五紕絨總大夫衣只言歸於素無
色賁只儉德之共胡寧易只

而經而緯而筐而篚獻功辨物無苦必良爲玄爲黃爲
朱孔陽以兼三才爲龍爲光

右四章章八句

大泌山房集

卷之一

詩四

怡怡者堂爲史氏賦也

怡怡者堂思我列祖以五爲九以三爲五人百其身如
託肺腑矧我兄弟同胞及乳式相好矣母相爲瘡

怡怡者堂思我二人生我鞠我鬻子閔辛與啟與居與
笑與顰心誠求之則靡不均維親遺體勿失其身

怡怡者堂惟我與爾爾方孩提而失怙恃我父我母不
舍而視以爾相付言猶在耳無忝所生矢之以死

我非爾兄代父爲父我亦有室代母爲母我非我有爾
非爾有有功可大有親可久死者復生庶其無負

南陔刈麥詩爲秦京賦也

適彼南陔言藝其麥清商應秋草木槭槭以我剡耜徂
疆徂場芟之柞之甌窶澤澤播厥嘉種深尺廣尺甲坼
區萌達者驛驛霜雪孔嚴則無相厄

適彼南陔言耘其麥春日載陽土乃發脉厭厭其苗穠
穠其役以耨豐草錢鏘斯刺宵扈嘖嘖行扈喑喑鳥獸
並驅靡啄靡齧於皇來牟穎粟庭碩

適彼南陔言穫其麥其日丙丁孟夏之昔率我農人芻
蒲襜褕壯夫銓艾穉子招撫如梁斯升如茨斯積以春
以揄以歛以釋炊而熟之無雜糠覈

大泌山房集

卷之一

詩

五

我有二人偕老垂白何以養之惟此麩麥備四時氣其
訓爲華可飯可餽釀之若醪二人良食于焉招客旣醉
旣飽笑言啞啞且以永日其年則百

顧我貧士百畝是易日出而作帶經挾策三農何隙晷
夜額頽豈無萬鍾豈無阡陌匪我所受匪親所擇在禮
庶人則有薦麥詔爾子孫永言無斁

右五章章十四句

明夷爲汪季玄賦也

明夷左股用拯斯吉卜之筮之母庶無疾
永言遺體體從何來母氏劬勞奉羹一杯

讀書刺之決獄切之母也天只何惜此糜
我嗣股肱藝黍稷養維此一嚮傲天之貺

右四章章四句

質園爲唐君平賦也

翩翩者騅宿則專壹彼君子兮歸于其室斥鷃大鵬逍
遙斯一乃營別圃命之曰質

其質伊何義以爲榦惟直方大軒豁昭粲無徇迤曲無
涉汗漫行而宜之爾游伴與

其質伊何橐以爲地不前不精言處其次超然獨往非
人弗自紛華無垢純白爰備

大泌山房集

卷之一

詩

六

其質伊何正以爲鵠言絜于矩步晦夫屋枝引根引均
一尺木允執環中茂對時育

右四章章八句

曹節婦詩

有序

海陽朱良相爲鳳陽倉官死婦七日不食殉之

濠泗帝鄉龍文五采猗歟女貞捐生慷慨在帝左右卿
雲靄靄以方古人化石填海

比目並命合歡連理相彼衆生死而後已人爲物靈矧
伊女土從一而終以身葶蠃

昔有倉氏官長子孫哀哉無祿遘此天昏彼姝者子從

之九原千秋萬歲以爾永存
曹娥殉父曹婦殉夫一姓雙美異代同符以風以雅以
史以圖爲邦家光於越勾吳

右四章章八句

大泌山房集

卷之一

詩七

右四章章八句

史以圖爲邦家光於越勾吳

曹娥殉父曹婦殉夫一姓雙美異代同符以風以雅以

史以圖爲邦家光於越勾吳

古樂府 丙午後作

襄陽謠

何以祀天身爲牲刲一臠肉一杯羹一杯羹爲母烹母也天只受天之胙億萬齡

東隣不殺牛西隣不屠豕羹從何方來阿母大歡喜蹶然坐床頭嘗之盡一匕里人相怪言異事有如此馮郎食母母遺體馮母愛子食其子

赤帝子父見烹謂他人父分我羹咄爾子孫不知醜食人臬美臬不鳴欲令臬不鳴襄陽有馮生

張孝子謠

大泌山房集

卷之一

詩

八

雷風薄湖波惡欲濟無梁心灼藥何來舴艋平如狗招叩共涉聲霍霍五粒之松相咀噍持歸壽阿母驚怪還大噱借問所從誰仙人居廣莫

張公愛髮膚常若楸株栢胡爲割左股用以供親饋食之良却疾豈必珍淳母祭獸亦有羈反哺亦有烏子母自相還無乃薄青蚨

爲親也者醫病而治如取如攜胡不自醫而令瞽爲爲親也者瞽淚如雨墓無乾土一瞑而萬世不視忠臣孝子以爾張楚

親存目存親亡目亡天平人乎禍福可常黑牛白犢孔

氏曰吉祥張公而警視天夢夢警張公而壽壽而有後
天之道猶張弓

公無渡河

公無渡河挈鉤孔多雖有河伯不可爲讎
公無渡河旱魃孔多彼河之水不至蟹螺

城上歌

三日娶新婦將來築城去雖則城上人不在城中住
亟杵亟杵官來看汝舉頭問官虜今何許

阿姊來官家給脯果脯果先乞我弟莫食脯姊莫食果
阿孃三日未舉火

大泌山房集

卷之一

詩九

介雅三曲

有引

謝季公蚤歲明經揚芬鬢序晚年尚志就養庭闈浮
雲軒冕何求長日丘園自適教成令子名在文儒領
繞膝之慈孫承歡顏于壽母林鍾律應花甲輪周享
人世之清閒備天倫之盛美諸君皆絲蘿松栢情洽
婚姻抑玉樹芝蘭道敦隣好僉踵門而展賀特授簡
以徵言舫稱兕則有詩杖刻鳩而名祝竊取其義爰
綴斯篇幅傲蕭梁聲沿荆楚

軒蓋羣方集衣冠四座盈雕盤行玉斝錦瑟間瑤笙一
片南山色悠然入頌聲

河陽一縣花彭澤五株柳春色遞相生清風垂不朽承
家季子賢保世世曼壽

鴟夷超世網鶴瞥見仙標春水桃花渡秋風桂樹招乘
鸞從阿母玄圃恣逍遙

西人謠

吳兒喚水喚作矢吳兒喚矢喚作死吳兒喚死喚作洗
但道吳兒音似耳今日西方真見此峩冠鞠躬奉公矢
爲公嘗矢如嘗水博得歡心不辭死矢口誇人莫教洗
龍笛鳳笙曲 有引

蓋聞愛之欲生永以爲好閼宮啓而頌魯俾歲有千

大沁山房集

卷之一

詩

十

麥丘遇而祝齊善言必再上交非諂古道則然明府
公天開集鳳之祥家襲雕龍之慶彤庭賜第光照青
春紫陌看花香沾紅雨帝念枌榆之社簡鳧舄以遙
臨僉言枳棘之栖借牛刀而小試川流敦化山立揚
休褚衣冠易田疇輿誦衆人之母仁夫里寬關市波
及鄰國之民魚生釜以興謠虎伏庭而就訊時方期
月府事脩和邑大有年禮儀備舉推轂名高薦剡充
閭氣動懸弧西建魁杓歲復臨于作噩旬成枝幹日
載值于庚辛屏翳飛廉按十雨五風之候流虹繞電
介千秋萬歲之期南極一星炳然朝斗上台三壽展

矣盍朋弱冠登科袞袞黑頭宰相舞衣繞席僊僊黃
髮慈親貽穀豐登靈椿久特備人倫之熙事萃神貺
之蕃釐凡在照臨若爲歡抃三薰加爵百拜陳辭捧
銅狄之盤餐分沆漉侍玉皇之案履踐清華願迭進
於仙籌式賡歌于下管

伐竹橫吹象龍鳴五孔五音律和聲簡易賢人德業成
德業成大且久頌南山酌北斗
大巢小和十三簧緱氏仙人學鳳凰雙成雲鰖與頡頏
與頡頏升崑丘人間世逍遙遊

楚五祝辭

有序

大泌山房集

卷之一

詩

十一

蓋聞物之數萬處一而量無窮生之徒十有三而攝
爲善自情塵嶽立卷婁濡需致世趣川流朴雕竅鑿
富貴顯嚴名利容動色理氣意勃志謬心惡欲喜怒
哀樂去就取與知能累德塞道支柴柵重纏繳上下
進排發機括留詛盟秋冬老洳蝸爭蠻觸羊失穀臧
卽仁義遽廬何爲離跂攘臂使性命爛漫奚啻附贅
垂疣喬詰卓鷲之行多天昏札瘥之憂作鷓雛舉而
腐鼠之鴟空嚇鷓鴣適而執狸之狗成思小大判乎
筵楹脩短岐于椿菌非馬喻馬物論難齊唯蟲能蟲
天真自合帝之懸解不以有涯隨無涯神之大祥常

以無用藏有用塵金玉而塗軒冕忘肝膽而墮形骸
昭曠櫻寧玄同炊累函巧滅故曰希曰夷曰微綠督
爲經去甚去奢去泰含德之厚比于赤子專氣致柔
能如嬰兒渾渾沌沌媒媒晦晦彼禺強之立北極西
母之坐少廣狂屈之登狐闕赤松之止石室諄芒之
觀大壑與肩吾之處泰山堪坏之襲崑崙廣成之臥
空同大隗之存具茨鴻濛之歷扶搖自本自根無終
無始逍遙應世曼衍窮年官萬物而府三才王百谷
而長五岳乾坤運以不毀日月煥其常新我里有吳
公者杞梓良材圭璋令望舉釣六鰲合負長鳴萬馬
皆瘖畫省含香黃門荷橐旬宣河洛填撫甌閩民戴
得輿我儀補袞政急流而勇退遂初服以閒居視富
貴則蚊虻鶴雀之飛較窮通亦寒暑風雨之序特生
奧鴉生突付之儻來鵠不浴烏不黔因其自致艾從
薰於丹穴芝自種於商顏餐山色以療饑聽松聲而
入夢藥爐茶鼎清風明月平分桂棹蘭橈野水川雲
共度仰天而噓隱几而坐嗒若調刁據梧而瞑倚樹
而吟鳴非堅白魯論逸民而後唐傳高士以還如萊
子之隱蒙陽及亢倉之穰畏壘或灌園而抱甕或餽
糟而啜醪接輿之歌佯狂龐公之操於忽漢濱老父

江上丈人名編楚國先賢事紀襄陽耆舊豈圖今日
載見古風大成若缺大盈若沖恬愉純氣之守知足
不辱知止不殆汗漫采真之遊躡躅屈伸其顛頽其
容寂吹呶呼吸以踵息以心齋雖雞壘豕苓時或爲
帝而鳥行齧食泊若未孩妻織女妾宓妃鼓奏宮而
聽者遠子副墨孫洛誦蘭彌谷而挹者馨粟賦支離
珠探象罔六十而化寧知五十之非八千爲春更結
三千之實藐焉兄弟忝在婚姻召巫咸而示之機唯
應駭走師董梧以鋤其色難擬形容推筴而求得絳
縣老人之甲子代庖以祝慙黃絹幼婦之受辛各效

大泌山房集

卷之一

詩

十三

里言用加康爵

楚有良弓名繁弱挂之扶桑高長格三足烏驚六螭愕

義和按轡足如躡晞髮從之秩東作如日方升胡不樂

其一楚有靈珠名夜光方回服食引年長江妃二女結爲

璫漢浦交甫亦相將願言佩之祓不祥與月爭皎照八

荒_{其二}楚有嘉樹名冥靈春秋千歲何青青蔽虧日月吼

風霆輪困離奇臥巖扃黃耆鮐背象其形落莢却笑堯

階賞_{其三}楚有仙禽名黃鶴金衣菊裳丹煜燿丁令威呼

蘇耽攫鐵笛玉笙相間錯乘之離翻翔寥廓千六百年

巢阿閣_{其四}楚有聖書名玉牒祝融司之離火燁齋心稽

首發其篋玄夷蒼水使者接沐日浴月百寶歛後天而
老歷萬劫其五

大泌山房集

卷之一

詩
十四

其詩其詞其賦其歌其水其山其林其石其日月百寶歛後天而

五言古詩

丙午後作

將入秦作

客從長安來爲言長安遠虎豹扼九關浮雲日易晚公
車牘生塵公府門垂鍵狐裘歌蒙戎轆轤難推輓賤子
保丘壑三商甘息偃世網歛相牽名復登仕版問我何
功德遽條克燕婉敝履辱見收賜環許之返天恩徼幸
多未敢忘一飯

士師魯三黜令尹楚三已汗隆故靡常屈伸亦相倚所
貴堅特操庶無淄素履睠余媿前賢頗受虛名使久宦
減其產得譽不勝毀歸來臥閉關于焉保殘齒造物善
大泌山房集

卷之一

詩十五

播人驅之負羶矢一過再爲涉三趣滅頂耳書紳玩斯
占行行須亟止

人聞長安樂出門笑西向昔我官隴西于時年方壯羗
胡薄我疆黽勉守亭障旣爲秦士師科條亦草創謝彼
文武才幸不速官謫別垂三十年更坐籌邊帳誰與老
復丁山川自無恙緬想秦故人榮悴非一狀相期共索
笑追往翻惆悵

度隴篇

上隴苦隴高下隴快如駛問君儻東還悲歡當復爾世
路固無常來者便成是少年珥貂客半作長安鬼玉門

白頭公封侯謁天子五日京兆君傷哉賊曹史蚤知將軍貴夜行寧訶止枯楊再生華寒灰不終死寄語龍頭人無歌隴頭水天欲富貴翁聞之劉仁軌

河上秋懷

百川灌洪河客思方悠悠長風號枯楊復此天地秋孤鴻懷其偶哀鳴日以道白雲西北來寒波咽不流霜露滿中原萬卉紛以休天運誠有常空令行者愁

鷓鴣園

北鯤化南鵬怒從海運徙擊水搏扶搖九萬三千里蜩鷺鳩笑之彼且奚適爾榆枋數仞高我或時決起物論大泌山房集

卷之一

詩十六

其誰齊紛紜靡底止鷓鴣巢深林一枝不盈咫不怒亦不笑小大無非是黃生家南溟構園與之似爲鵬爲鷓鴣舒卷惟所以迢迢人間世宵然忘彼已蘧廬難久居寓言契深旨

擬西王母命田四妃答歌韻壽顧小侯母

金母自西來羣妃驟彩鸞稅駕侯門中勞苦平生歡功行滿千百懃精而凝安皇覽揆初度白日生羽翰佩以六甲符加以九靈冠衣以赤霜袍食以絳雪丹歌以步玄曲和以雲璈彈授以元君號瓊簡永不刊是時秋八月廣陵濤可觀有聲忽如雷蹴天揚波瀾清淺當爲塵

海若何足嘆

按事近縣經行山寺率爾成詠

法吏抗塵容簿領何鞅掌郭外自青山纒牽不得往行
縣寡爰書悠然生遠想新雨麥秋登林巒遞送爽招提
入雲端磴道夤緣上天華發妙香風鐸傳幽響身世別
乾坤神魂爲清朗下視晉陽城微與一煩壤

東晉分北朝強名之曰帝觸蠻蝸角爭兵燹時相繼物
力曾幾何營繕無減厲開山役五丁香阜造天際覺血
復塗膏喪亡可勝計世尊大慈悲爲不若是忍殘碑苔
蘚蒙功德誰司契膜拜誦西方空空如斯逝

大泌山房集

卷之一

詩十七

冀并都會區人爲土木勝上與浮雲齊五色相輝映弔
古問遺踪丘墟狐兔徑幽壑倚巉巖往往佛廬淨金碧
幾更新六時自鐘磬薪盡火故傳檀施非一姓聞之王
敬弘處地須不競不競故常存無得亦無證

游仙詩次韻

玄洲何所有上有太玄仙宮室各異處離婁自相連大
朱塗廣夷黃金闕璘班青龍鋪前席白虎處其西南箕
北有斗瓊池通藥淵山獸紛綸戲百鳥集如烟玉樹金
光草終歲鬱芊眠誰其駕茅龍直造滄浪天攜手共遊
遨安期與偓佺餐霞漱沆瀣要道甚不煩寒暑無僭忒

伺壽東父年五嶽五拳石九州九點烟向禽兩小子偏
側空自憐

淮上有感

雀入淮爲蜃橘踰淮爲枳物化人不然哀哉趙簡子竇
犇相慰藉所貴令名耳聖人自忘名變化寧有紀大者
飛蒼天小者蟠泥滓無待游無窮吾師猶龍氏
淮及江河濟爾雅稱四瀆發源注於海惟此川也獨稽
古禹九州往往非前躅河今會于淮清濁混相逐高城
時復隍澤大過滅木水性善居下海自王百谷

古意贈孟君

大泌山房集

卷之一

詩十八

束髮事君子骨體不能媚恥爲時世粧縞綦佩長襟夜
行必以燭朝畏多露漬屣勉三十年幸無廢中饋谷風
吹甘雨綢繆承嘉惠紅顏久自渝白首成憔悴後房盛
幼艾柔曼善傾意謠詠謂我淫申申交相詈君心故靡
他毀言日三至寔命不猶人偕老終捐弃

斂袂辭金屋行道何遲遲出門逢里婦條然歎此離我
貴難久居爾賤亦胡爲自言薄命妾生作田家兒世俗
貴姬姜不惜威與施豈無絕代容所出恒苦卑推布翻
成歡俛仰懷運期田翁多收麥糟糠自見遺女愛不敝
席貴賤同所之但願從一終心匪石可移

贈九十四蜀周翁

淮南雅好道八公從之遊少如桃花色俄然復白頭鴻
寶今安在雞犬事繆悠異哉巴邛叟浮淮何所求頗傳
肘後方刀圭疾可瘳緣督以為經踵息不在喉逍遙人
間世無往非崑丘

昔者金門吏今者草莽臣無家復無子容膝自容身晚
節五十年禮席謝為賓齒髮落更長却杖步微塵彼哉
富貴客不若賤而貧百歲易取盈希彼仙與真對君有
深省侔天乃畸人

李司徒道余立春後當舉子事驗賦謝

大泌山房集

卷之一

詩十九

我昔逾強艾俛得抱兩雛紙筆非所好三赦在蠢愚露
章今乃老歸謝草堂通司徒軫舊練示我九宮圖春王
正月中老蚌當生珠其日十有三遙集上楹胡聞之宣
尼父顧念魯商瞿為言四十後有子五丈夫高天故難
謀達者如合符造命君與相斯理諒非誣庶幾徼餘幸
會見負薪芻

笙臺篇

昔聞王子晉脫屣黃籬宮吹笙學鳳凰游彼伊與嵩偶
逢一道士云是浮丘公餉以雙白鶴乘之凌顛穹其一
顛穹俯四顧滄海在東隅其旁魁父丘且為立須臾炙

笙奏清曲鶴鳴與之俱一吹天風號萬籟遞唱喁再吹
海波沸蠻習百靈趨其二百靈趨未已子晉歸其家至

今吹臺上翕絕生瑤華朝晞扶桑日夕餐赤城霞仙靈

所窟宅命之曰永嘉其三永嘉王氏子子晉或前身築

室笙臺間納此隱淪真瓢笠恣所如悠然陶嘉辰今生

何以受宿世有餘因寄語塵寰客一日勝千春其四千

春豈不久未若笙臺樂臺非疊石成笙非比竹作土木

自文繡天地爲席幕衆竅鳴噫氣流泉時噴薄沕穆曠

無鄰元化相酬酢其五酬酢澹忘疲適然發嘯歌下振

喬林靡上遏浮雲過鳳鳥久不至希聲當若何貴耳而

賤目民言殊孔吡其六孔吡亦多術求仙更渺然吹笙

緱氏山云胡不復旋蓬壺海中央鮫魚觸人船崑崙在

何許八駿蹄爲穿一壑復一丘適意取目前安知異代

人道子非列仙其七

夏日林中

長夏無所事眷茲林下陰凱風自南來謾謾吹我襟迺

暑不勝酒解慍不能琴稚子汲井華聊以佐高吟耳目

有餘爽煩苛詎見侵悠悠南山雲庶幾諧寸心

七夕過冒生

古人懷知己一日如三秋與君挾辰別思若結綢繆今

夕是何夕人言會女牛女牛遠河漢終古抱離愁不如
良友朋命駕時從遊八荒及千古坐論遞相酬所虞駒
過隙佳會難久留徘徊未忍去鵲駕已歸休
廣陵諸兒女喧喧乞巧夕冒生苦食貧從之丐餘澤授
以一牽牛副以支機石歸與力田桑粟布有餘積生言
少爲儒茲事非所習弱腕三寸舌雲錦垂千尺天孫頰
薄怒是夫有書癖竊天巧已多何能無落魄

秋月獨酌

朝見芙蓉霜暮聞梧桐雨皎皎雲間月秋光能幾許哀
鴻自北來野泊亦何主老至自悲秋空堦復蛩語流螢
照我床餘寒生白紵樽中酒不空陶然成爾汝
金氣何方來殘暑不自保清霜中夜零意似無百草落
葉委前除寒風時爲掃稚子促行杯無負秋月好秋月
誠自佳所照多枯槁代謝理固然逢辰何不早

贈白門社中諸君

南朝都建康頗亦談文事中原委胡塵大雅曠焉寄
高皇乘六龍御天首茲地日月自東升八表胥光被遠
紹唐虞年一元文明會郁郁金閨彥稱詩以論志不朽
在立言無薄雕蟲技瞻彼鳳凰臺晨鳴曰賀世

鍾阜旣龍蟠石城亦虎踞鸞鸞龍虎文尚書諸郎署虎

肅雄風生龍煥卿雲聚天苞與地符真宰啓相付千里
賢比肩千秋遇且暮承明著作庭西京此其副文章光
燄長王氣日盤互嗷彼朱衣人空鑿秦淮渡

省署開文苑先朝惟德靖詩法周與漢次者唐初盛上
下千餘年軌轍一何正九京不可作彼哉妄自命鉤棘
自言工俚野遞相競通人亦多蔽偏嗜洛生詠俗耳無
箴砭豈復諳聲病天未喪斯文諸君方爲政

文人結習深爭名多誨辱學一先生言暖姝自爲足譽
髦此多士居高卑自牧汪汪千頃陂朗朗百間屋微哉
楚老傖齒遇得方幅絃軫被爨焦斧斤施枉木嘉善矜
無能古道今可復易心然後語洵美如蘭馥

吳公勵宅余舊寓也缺然掃除頃一新矣

衛武蓋睿聖抑戒以終老夙興夜方寐庭內具灑掃我
生偷咎窳所事殊草草昔也託遽廬俄然煥斧藻君子
信有斐勤物無遺小自強斯不息金石永相保

西河弟子職灑掃與進退豈伊鄙末事大道小無內禮
儀三千百孰是可偏廢脫屣升君堂方寸皆濯概舊染
日以新至善斯焉在先傳後靡倦憊然領深誨

凡音生人心好醜各有所宅心苟未淨其庭可搏鼠斯
人或亦歌曾氏屏不與入室絕纖塵天光發泰宇宜爾

歌永言鏘然中律呂市聲無入耳君子于是語
林宗宿逆旅灑掃然後去來者見其然知必郭宿處好
潔人所同推心斯爲恕八荒亦我闔傳舍遞相付蹇余
多穢跡幸君開美度千秋漢有道遇之在旦暮

感懷

朱火青無光沈碭流西顛商飈振庭柯清露被野草羣
芳慘不舒枝葉日以槁芙蓉江上秋容色亦何好榮悴
各有時遲拙同速巧古來賢達人貞素長自保

送道人歸玄嶽

崧嶽領出雲表靈秀闕千古封禪禮晚成天意蓋授楚行
行采真遊閱世幾寒暑道逢關尹喜將之造帝所飲以
九霞觴餐以龍根脯五嶽佩真形河車御姪女乘彼三
素雲揮手謝玄武神龜將苦鑽騰蛇終灰土何如獨往
來飛身輕弱羽

答大空居士寄聲因以志懺

六根自虛妄與我周旋久束縛濁垢中空憶聲聞酒無
乃貪明成前因今世受善哉調御師慈心接引手揮塵
發妙音牛馬爲嘶吼持誦蓮在舌解脫柳生肘生天與
成佛何者論前後豈非慧業人吹向羅刹走瞿然汗雨
下得所未曾有欲往再叩之毗邪復杜口

分賦須彌山爲游君壽

摩訶賴國中山有阿耨達須彌與妙高亦耳麻不刺或
喚之鐵圍梵音互膠轕由旬詎能量摩空何巖薛陡出
閻扶樹織阿御所菱東南王舍城人境不相奪竹園處
其西于此傳衣鉢大者天中天次者諸菩薩優曇華屢
現舍利弗常掇佛法等山靈萬古難滅撥君本震旦人
服義身未沫塵世駒過隙舉燭忽見跋鐵門限雖牢殼
漏子終渴祝君如山壽歷劫不天闕此事若謬悠此言
非迂闊在家自出家禪理廣包括九陽爲傳燈入荒爲
連闔芥子納有餘世界財主撮登高不躡履行遠不祝

大澗山房集

卷之一

詩

二十四

輟豈必饌伊蒲豈必披氍毹豈必薰陸焚豈必苾芻秣
文字旣支離持誦但嘈噴德山杖一拄馬祖聲一喝水
汲西江盡火吐寒爐撥鷲在瓶俱全牛犯苗卽撻窻日
誰依就幡風誰轉幹指悟天龍豎眼點石頭豁趺毳及
磨鏡往往遂解脫無色復無空無生復無殺原無壽者
相胡乃牽藤葛窄堵波莫辭尸毗林莫怛不鍊黃金膏
不磨丹砂末骨肉還父母那叱甘屠割神理故綿綿性
地實潑潑月明請薄批風清請細抹彌勒同龕住醉鄉
好長活

七言古詩 丙午後作

曹師臯恒言不佞起家當在十月二十八日至期
得河西除書

楚僖齒鬻顛毛鬻兩足蹠跚三受別人間除日久不觀
雀羅門外苔痕滑爾言今歲定起家呼童早晚脂車牽
哄然驛使日邊來手持一紙塗黃札西方經略領鄜延
舊物承宣兼按察日者何曾與刻期不後不先二十八
此事流聞詫里兒是處相逢目都刮談天之口亦偶中
未必管窺窮塊北遠志出山成小草老攀枯枝連枝拔
戲語危語豈不聞塵緣業障偏相軋憶別秦中三九過
大泌山房集

卷之一

詩 二五

故交零落如鹽撒青牛老子更入關將無衛玠人看殺
答費國聘

費國聘何太狂行年三十棄軒冕貧賤驕人不可當三
湘七澤千餘里司命文章侯醉鄉每見李生眼便白龍
鐘苦被麤官迫大丈夫不能一蹴致青雲牛僧狗屠自
有羣死生富貴天造命人力從來難爭勝年年喚汝李
叅政莫是千斤符厭鎮殊無好處寫銘旌贏得談時供
笑柄一官二十七年過怪殺狂生成語識生復笑相謔
此戲猶未惡我如得志時首布三章約歌板號叟老婢
聲儒冠拜受髡奴學街頭陽伍好賣詩迷人耳目何曾

覺罰飲墨汁縛長繩擲之天外烏鳶啄法曹儻更問新
條大隱市朝冒方朔

題玉洞仙春圖爲梅丈人壽

我聞大地中三十六洞天真人各自理歷劫無推遷此
洞誰爲鑿混沌問之不得名與年千巖萬壑紛糾結劃
然一線忽中穿山根亂出昂霄樹石罅遙飛瀑布泉玉
宇瓊樓總削成琪花瑤草交芊緜秋陰暑却春色冬妍
蔽虧日月吐飲雲烟亥步禹蹟未經過元氣淋漓太始
前何來素髮渥顏一老翁自稱三十六帝仙曹之判員
天公手勅作洞主不煩人間買山錢朝晞髮太陽夕濯
大泌山房集

卷之一

詩

二十六

足潺湲東方小兒滌髓洪厓先生拍肩天瓢酌酒天籟
歌玉女投壺素女眠麟脯鳳膏飽棄餘雲駕霓旌往復
還幼輿一丘太局促向平五嶽費攀緣此中別自有天
地從他滄海與桑田世人稍稍踪跡翁少年家居鄂渚
東鸚鵡洲邊弄月黃鶴樓頭御風狂來碎樓更翻洲山
靈奔播訴天公謫遣洞中僑寓耳終須趣侍紫雲宮

爲王子幻賦青蓮舸

西嶽蓮花自削成摩空天色對晶瑩玉女逡巡不敢摘
帝遣長庚寄真宅長庚深夜俄中酒墮入西川謫仙手
謫仙江上騎鯨魚居士青蓮化烏有真宰秘密餘千年

忽乞王生爲酒船蒲作片帆荷蓋舉竹牽百丈藕絲連
波搖菡萏金塘溢日射芙蓉綠水妍桃葉桃根相伴住
蘭橈蘭漿與周旋豈少黃龍及青雀牙檣錦纜金鉤絡
自稱不及青蓮舸小窻柔櫓杯深酌不圖成佛坐生蓮
不圖仕宦蓮爲幕但願將船日取酒酒似蓮花香噴薄
野鶴沙鷗轉見親蟹螯鱸膾時堪嚼江湖滿地賞心來
風雨何妨隨意泊壑底深藏且拍浮津頭不繫從吹却
一葉真成太乙僊五湖寧減鴟夷樂李生系出青蓮叟
江漢垂綸歲漸久雲水相遭儻有時吾家故物當還否

爲李郡伯題喜祝三公圖

大泌山房集

卷之一

詩

三七

漢家貴重二千石守相每據公卿席紫庭引見賜駢蕃
青史循良聲曷奕帝鄉自是帝恩偏李公爲守有二天
絃歌春醉層城月桑柘晴飛萬井烟郡國高第誰堪擬
超拜三公固然耳鷺溪絹寫三公象轉日回天公分量
古來大臣慮四方五馬舊遊無相忘功名不損潁川郡
江漢摩挲召伯棠

書李醫卷李尚無子故云

視色不出家視毛不出門用鍼投藥餌名乃諸侯聞此
中有妙理難與俗人論君家蒲騷通梁澁門前車馬時
相逐名在越人兄弟間非遠非近非上下里中年少名

下土贈以詩歌書滿紙向君試問古名醫種子方從何
所始元里公乘多禁方行年七十餘無子其後獻馬子
男殷號爲聖儒無乃是傳得臨菑太倉長五女緩急不
中使爲決此疑雪此言當作君傳續遷史

六歌

我有四母三已亡母今七十五星霜循彼南陔不戒養
身爲家督游遠方春風習習草寸長何以報德負年光
一歌歌母兮淚沾裳

我有仲弟官獨冷青袍四作青衿領長安許大不相容
槐市芹池生厲梗謫居遠向晉陽城霜蹄轅下將安騁

大泌山房集

卷之一

詩

二十八

二歌歌仲兮心恫恫

我有叔弟逢奇數十上公車十不遇蜂蠆么膺解整人
虎冠鑿齒咆哮怒溪壑難填空毀家君門萬里無階訴
三歌歌叔兮魂爲怖

我有季弟時相左離騷不得留靈璫小邑栖栖典簿曹
長裾曳向王門鞞二十年餘子大夫囊粟侏儒腹不果
四歌歌季兮愁坎珂

我有少弟早失父拮据家室良辛苦中年吏隱秘書郎
鳳池恥向鳩爲伍翻然青鬢臥青山今雨人情非舊雨
五歌歌弟兮聲作楚

我有小妹魏家婦夫婿多才命不偶晚佐一州如斗大
罷歸賤與貧相守子錢家日索逋責浪跡四方餬其口
六歌歌妹兮立搔首

送金明甫歸省母

若翁吳儂嫗楚女嫗還居吳翁家楚白頭惟有一男兒
西來思母東思父片帆千里走東吳楚天不斷黃梅雨
且行且止若爲情含笑含啼那得吐與君三世號通家
君今雅善形家語何爲僕僕道途間爲君作計試聽取
我聞愚公費長房縮地移山術如許更精君術術通靈
朝朝暮暮從翁嫗

大泌山房集

卷之一

詩

二十九

五馬圖歌

有序

漢太守四馬加秩中二千石乃右驂故以五馬爲貴
今州在郡下守州者遂稱五馬大夫矣陳生拜鹽官
秩與州守等客以五馬圖贈屬余爲歌

神龍遊戲下滇池池波鼎沸半龍釐化作龍駒五汗血
雄風閃電相追隨誰爲羈轡來燕市燕市黃金臺已矣
低垂兩耳駕鹽車畫熊朱轡不得使驥首景光懸匹練
驕嘶意氣騰千里君不見司馬相如蜀貲郎長吏前驅
謝鴈行當其困阨酒盧間但有犢鼻無驪驪相士失貧
相馬瘦世人粗知牝牡與驪黃一朝邂逅九方臯目爲

丞相頭爲王九逸八駿在天閑二千石粟安足嘗

舍舟走宜城薄暮僕馬還潭聞偶語作

披雪身刺船尺寸難移脚雪後馬衝泥蹄穿僵溝壑女
奴對泣還相嘲愁來墮馬髻能作家人交謫主人翁何
如袖手坐舟中踟躕珂頭腰環環吾道非耶曠野間曹
家馬疾驚帆過孫郎船快馳馬還乘馬乘船總滯淫時
不利兮陸亦沈日落天昏嘯山鬼步走前村操馬箠

題竹溪圖壽竹溪老人

吾宗供奉謫仙人舊住徂徠溪水濱沿溪滿種蒼筤竹
杯酒嘯歌偕隱淪竹色溪聲曾不改照映風流與文采
大泌山房集 卷之一 詩 三十

龍鐘之竹產龍孫清溪一曲帶荆門古今兩見竹溪逸
盛事吾宗少倫匹輸君七十能鬪健觸目琳瑯紛繞膝
張生好事圖竹溪乞我詩爲君品題供奉百詩酒一斗
我詩一篇奉君酒酒如竹葉淥溪流溪成酒池可拍浮
底事求仙仙亦謫一日醉鄉足千秋

題函谷瑤池圖祝李母

函谷關門真氣紫青牛西去柱下史西來王母幸回中
有三青鳥爲之使李母前生金母身仙李根蟠萬古春
桂子蘭孫相映發麟符魚佩熊朱輪衆人之母衆父父
五馬行春春萬戶畫圖三壽願作朋陽春一曲歌且舞

東爲青帝春青陽青鳥青牛義何取須知彼美西方人
自是東方生物府

何无咎爲張元戎作山水圖

張公虎頭復虎牙三提金印度龍沙水泉雪夜大誅虜
赤泉水骨如麻經略重臣儻小住胡種肯留青海涯
松山拓地千餘里坐席餘威方有此功高不賞翻囹
一丘一壑歸來矣東海何生作此圖兩人箕踞對山水
鼻頭出火耳生風將軍意象故不同金甲已拋雨中繡
寶刀猶貫斗間虹老當益壯窮益堅古來宿將饒英雄
公年八十身手健斗酒蹶張六石弓榆塞射獵榆溪釣
大泌山房集

卷之一

詩

三十一

按圖將索渭川熊

劉將軍招遊北郊飲杏花下作

歲歲江南三月春杏花狼藉馬蹄塵三月晉陽春薄暮
探春初著杏花新北郊杏林王孫墅將軍載酒邀賓侶
昨朝雪片如花飛今日晴曛花正吐花下歌兒勸叵羅
花外健兒催羯鼓邂逅東西南北人君爲酒主春誰主
春色自生花自開遲速同春任領取青天成幕草成茵
移席移尊無定處看花酌酒興方酣問君酒錢能幾許
一花一杯君莫倦明年花底人應變縱使舊人續舊遊
難將花貌方人面人面由來不可常花貌經年財一見

丘使君招集傳園看花是日雨雪

前日春晴花乍發花陰坐久移明月今來春雪滿春城
雪色花枝照眼明雪花六出爲春減萬樹春花冒雪生
入春雪與花難並有花有雪春偏勝雪不封條解惜花
花飛如雪落誰家君不見傳園主人種花好三徑花深
迎客掃舊年今日賞花時主人何在客已少花開還謝
雪還消無多雪景與花朝看花客半頭垂雪對雪銜杯
和花咽花奴擊鼓雪兒歌醉藉花眠休遽別

別方子謙還永嘉

昔歲共君西入蜀我鬢漸斑君尚綠今年憶我來晉陽
大沁山房集

卷之一

詩

三十二

將君鬢已半生霜晉陽使者衰甚矣回首十年渾不似
人間光景過隙駒相見百悲羸一喜纔悲相見復相離
後會前程付流水六十老翁多病身三分有二墮風塵
鹽車委頓太行阪敝帷底事煩他人青鞋布襪何難辦
莫使羊裘驕富春

題玉淙圖

永嘉萬山萬芙蓉中有大壑流淙淙斧鑿猶存神禹蹟
蒼苔碧蘚千古衣蒙茸微颺拖練魚文蹙落霞散綺霓
裳襪天瓢倩客時爲瀉雲碓無人夜自舂井州快刀剪
青纈匡廬瀑布掛白龍谿谷銛盤石激衝驟雨注射

跳波衝縱駭若撻金伐鼓斬鮫潯陽江怒若胥濤雷行
馬奔龕楮不能容疾若三門竹箭秋放溜緩若武陵桃
花春溶溶大若軒轅帝張咸池之樂洞庭野細若山玄
水蒼佩玲瓏衆若錫鑿和鈴千官朝閭闔微若一琴一
詠深林獨往人莫從何物王生能好事自道此物情所
鍾尋源進片艇柱頰任孤筇洗耳濯纓足嗽齒盪襟胸
鳥歌松籟難屬和游魚出聽口喁喁鈞天九奏枉成夢
安問人間萬石鐘嗚呼王生樂此忘饑且忘死胡不取
一九泥爲爾封龍湫鴈蕩恐相妬令爾往來心懂懂

沈啟南畫松贈關中某尚書今歸李司徒歌紀之

大泌山房集

卷之一

詩

三十三

啟南畫松百年矣黛色霜皮烟霧起所贈尚書無姓名
但道其人關中耳關中今者李尚書古人與稽今人居
畫手通神神呵護宛在李公讀書處人間世有前後身
後身往往前身因事皆天定良非偶物由人重名不朽
司徒磊砢任梁棟此物居然丁固夢李下有仙松有公
千秋氣韻同生動

送屠生還四明

四明盛才人屠氏爲雄伯長卿儀部郎田叔二千石楚
儉頓首拜下風相隨不敢均茵席後來之彥復有君自
許詩名壓元白命不通時可奈何七尺長軀裹逢掖訪

我金陵下廣陵寄食貧鮮資身策廣陵高貲買金陵貴
倨客車如流水馬如龍袖懷名刺無所適燕雀安知鴻
鵠志腐鼠翻向鷓鴣嚇大笑長歌返故鄉傭書都養供
朝夕令人喚作長卿與田叔縱非臚仕免落魄

答范生

范生詩畫皆妙手落魄吳門行寡偶杖頭不辦百文錢
典衣取醉金陵酒金陵朝貴五雲居轉日迴天力有餘
游客但攜蒯緤劍一歌得魚再得車咄爾范生何骯髒
貴人不肯通名狀天地豈私貧爾哉爾筆原非食肉相
昨朝同爾過韓郎陸機墨蹟錦裝潢草草八行半漉滅

大泌山房集

卷之一

詩
三十四

尚道千金非所屑顧謂范生休自輕古人生無一日歡
死有萬世名爾詩爾畫知名如士衡來生受者卽今生
贈姚生入吳門訪張民部

菑川老翁爲丞相故人高生深相望脫粟布被自有之
何用富貴故人爲欽賢翹才接士館爾時賓客居恒滿
所得奉祿家無餘客衆如雲若爲款意忌外寬內自深
高生以此談其短齊人多詐語不錯惡賓寧似故人惡
兩者相去方寸耳後人但病公孫子姚生自喜有故人
持節吳門主算縉欲往從之居上舍千金爲壽何憂貧
貧賤富貴交情見驕人往往多貧賤貧亦安足羞富亦

安足羨無取貌爲恭所期心不變五鼎可共烹一穀可
共膳雪却故人齊人恥古意從今迴宇縣

程游擊謁鄒爾瞻先生索贈

布衣落魄廣陵市獻策一朝衣金紫東征西討歷行間
相不當封空歸矣鬢毛尚似拂馬肝髀肉復生羞老死
烟雨扁舟走豫章將謁文江鄒夫子夫子今時儒一人
從遊不少三千士請行三軍可與誰鄒夫子當微哂爾
君不見北溟之鯤化爲鵬息以六月飛萬里天佚爾老
未肯休生來不合名鵬起

賦得武當山壽國華王孫

大泌山房集

卷之一

詩三十五

堪輿萬古操亭毒天有洞天地有福化成崇上鎮荊州
擎柱天門盤地軸玄武何年警蹕來翼軫不敢當躔宿
天授

文皇與

肅皇神明幽贊膺圖錄玉檢琅函銀錯編紫壇赤社黃
金屋香火如雲萬國趨五嶽早哉安足六國華齊王六
葉孫白衣但飽一囊粟客稱君壽壽如山持取叅上爲
君祝溥天之下皆王土北極司存改南服金枝玉葉同
根生親愛富貴從所欲況乃僑置受虛名未有苴茅食
邑祿王孫王孫善自珍三十六帝舊外臣七十二峰新

主人汗漫仙遊逢黑帝爲言楚弓人失人得慎勿嗔

題汪生冊子

有客刺署汪仲文沾沾今日御李君君家白也詩無敵
秣苑雌黃憑綵筆一爲懷素草書歌高名宇宙懸白日
少年君侍金鑿殿憐才往往先貧賤我書何減老禿書
乞君歌我盛吹噓雲間太史董玄宰墨妙當今雄四海
念我書薦豫章城左丞李公遙相待楚儉長揖謝不能
名位那敢望左丞腕中有鬼拙作字何以爲客揚聲稱
董公片言重鼎呂行游豈必愁資斧墨瀋淋漓手急揮
西江水散西山雨老儉曾聞談詩人供奉此歌未定真
大泌山房集

卷之一

詩

三十六

重違客意將歌贈真者翻學儻者顰世事何常在所遇
燕石或爲席上珍

題畫

東南仙宅著仙錄籤鏗之子與匡俗雲屏九疊泉三疊
三十六峰溪九曲洞天福地故無多選勝兩家恣所欲
何人作此三尺圖羣峭摩空掛飛瀑清溪宛轉定幾迴
中有幽人住茅屋匡廬武夷成一家豈必游仙受仙福
但呼宗炳爲彈琴山水清音自相屬

大泌山房集卷之一終

大泌山房集卷之二

京山李維楨本寧著

五言律詩 丙午後作

別親串

念我西征去鬢髮兩鬢絲腰章垂故物手板向新知客
路聞雞早鄉關度馬遲別來春社酒偏有夢相隨
離亭如白下送客亦勞勞奔走空皮骨飛騰謝羽毛山
靈移載勒路鬼笑頻遭屈指還鄉日休迷洞口桃

郊郢舟雪

自天飛白雪入地布陽春大造非無意高歌故有因荆

大泌山房集

卷之二

詩

一

山千片玉漢水一流銀不淺王猷興孤舟絕四鄰
帝鄉雲故白天上復同雲平野荒荒合流澌瀲瀲聞籊
沉沙易汰玉綴樹難分啼殺迷歸鳥檣鳥暫作羣
漢浦搖波月蘭臺激水風故鄉名勝在今夕景光同散
朗長川曙高寒遠岸空扁舟纔一葉春與六花叢
家山殊不遠東望路漫漫鴈陣衝雲亂鷗盟問水寒風
顛堤解纜水憂釜傳餐舟子頻相戒前途隱石灘
奪目難成寐支頤強自娛盤渦欹野艇糝斷村酤漁
火時明滅人烟乍有無秦庭何處是已見白頭烏

集劉仲通明府宅

三逕未荒蕪歸來與不孤大堤花載酒清漢月呼盧手
勒千金字神遊五岳圖郎官曾賜烏泛泛水中鳧
薄遊慚面孔招隱快心期漢浦珠雙佩宜城酒一卮塵
埃都拂拭星斗漸低垂別後將誰寄商顏有紫芝

楚王孫士達僑寓襄陽

如何朱邸客身世亦多憂柳下聊同俗蘆中似避仇不
辭鷓鴣舞頰典鷓鴣裘四壁俱山水將無學臥遊
憔悴楚三閭辭家賦卜居相過屠狗肆自擬臥龍廬盤
礴真能畫窮愁且著書野鷹來一曲上堵韻何如

太和雜韻二十首之十二

大泌山房集

卷之二

詩

二

文祖初封嶽經營十二年景光如有見議禮不相沿畚
甬三軍舉泉刀九府捐龍髯垂過膝象帝髮鬖然
肅帝覈玄玄增封上配天端居長禮斗秘祝總祈年阜
燾宮娥繡青辭國史編星冠南鄉拜鶴蓋繞龍涎
坎位虛危徙離宮翼軫營以能經二物旣濟度羣生禮
樂因時大中建極平聖人將設教神道取相成
莫惜知名晚名成迥不同帝尊羣望外人走九圍中天
柱凌玄圃仙都象紫宮鴻鈞惟一氣億萬大神通
燭路千林雪沾衣百草霜游人蝸繡壁羽客蠓爲房野
火分丹竈山烟接御香扶搖枝上過可是學雲將

黑帝增新時，荆巫領舊祠。鳥聲半部樂，樹色萬年枝。山
想乘橋日，天驚倚杵時。憑欄一以眺，漢水信爲池。
草昧造何年，椒庭萬仞顛。金身非佞佛，玄德可同天。日
御丹梯轉，星橋鐵鎖連。不知龍漢事，信史向誰傳。
指顧方言近，攀躋轉覺遙。中天一柱立，南國萬峰朝。日
月光虧蔽，乾坤氣沈瀟。谷神長不死，山鬼漫相招。
岌岌切雲冠，乘高楚客彈。趾從臣目倦，羽覓化身難。水
壑留餐玉，霞標寫煉丹。天雞能解事，夜送日華看。
叅嶺名仙室，羣仙去不迴。丹丘終古闕，絳殿待今開。艾
與松齊壽，梅從柳寄栽。因思人代理，荒忽故難裁。

大沁山房集

卷之二

詩

三

白雲渺無際，乘入帝鄉遙。地據三州勝，風傳萬籟調。盪
胸流沆瀣，信手攬招搖。突兀看天馬，行空號外朝。
怪來朝謁者，涕泣盡沾衣。鼙鼓山傳響，蛇矛樹合圍。黑
雲天驟暝，赤日雪仍飛。況復城狐輩，時時假虎威。

方州守招集滄浪亭

冠纓塵浣甚，假我濯滄浪。山翠千林染，波紋匹練光。開
尊醅共綠，比玉水俱蒼。東去過三筵，因之憶故鄉。
美人爲政處，漢廣召南風。千里襟期合，孤亭宴語同。漁
歌烟靄外，仙佩月明中。便欲乘槎去，銀潢路可通。

三十年前事瞿然目再經日中霜自白春盡草誰青山
勢連排戟河聲走建瓴封疆分閫寄未敢學沉冥

野豬峽

四塞看如此當關但一夫雞聲啼午夜鳥道入雲孤暮
齒空爲客浮名誤作儒却憐韓范輩談笑展雄圖

千谷道中驟雪

寂寂此時心千峯下夕陰雲橫鴻影斷雪入馬蹄深失
路誰相問思鄉自不禁胡笳何處奏似爲客悲吟

汝人生祠張公及太公

月旦評推汝天河姓系張請看銘在鼎豈羨繡歸鄉樹
大泌山房集

卷之二

詩

四

德分橋梓貽謀肯構堂灑然誠可異畏壘歲徧穰
昭穆家人序蒸嘗野老行聖無先父食孝以顯親名煙
樹千山色絃歌百里聲瞽宗仍秩祀香霧藹層城

贈人從軍榆中

年少楚狂生辭家萬里行賦詩雄出塞把酒劇談兵馬
飲高奴水烏啼白狄城刀頭長在手不憶故無情

寄周督學晉中

信美南方學何人不屬文精華君自得筆硯我當焚坐
有香三日書成體五雲一時名下士經術本河汾

哀角帶寒砧霜華鬢底侵邊人長迸淚國士遠論心地

入龍門峻天橫鴈塞深唐風誰可挹蟋蟀正秋吟
周汝賢與余同庚爲原州幕三月遂拂衣歸

玩世非餽口歸田懶折腰尊羹從所好桂樹不須招三
月官資薄千山故國遙問年余小長關塞尚星軺

銀州

前旌時隱見石壁轉縈迴流水寒城咽孤鴻遠戍哀山
盤光祿塞雲鎖赫連臺忽爾風沙合驂驪萬馬來

晉藩春燕

金天開少皞木德佐勾芒餘裔臺駘遠疏封汾水長青

陽生帝姓司啟著官常角羽迎春樂流傳此一方金天氏帝

大泌山房集

卷之二

詩

五

少皞號青陽以鳥紀官青鳥氏司啟者也少昊裔子昧
生臺駘宣汾洮障大澤以處太原顛頊封諸汾川則汾
神也勾芒少皞氏之子曰重爲木官春日青陽立春爲
啟青鳥蒼庚以立春鳴皇覽逸禮曰唱之以角舞之以
羽翟此迎春之樂也

春日春書進龍銜綵建標釵蓋上黨楷華美大陵茗菜

甲青絲細葭灰玉瑄調斗杓東北指市女亦招搖北朝人

立春日進春書刻龍銜之青裕爲幟詩疏上黨人語問
婦人欲買欽不謂山中自有楷趙世家武靈王游大陵
夢處女歌曰美人熒熒兮顏若若之榮太原
有太陵縣城在并州文水縣北爾雅若陵若

北嚮瞻天仗明堂左个邊八輿輪鳳駕五綵勝初傳律

管金門貢科條木鐸宣冀方原帝宅春在九州先

束帶臨公座焚香作伎堂宜春金燕紫得歲土牛黃雲

紀飛三素風從御八荒職司田峻長晨喜正農祥

晉中元夕卽事

并州刀剪綵垂棘壁流虹庭燎諸王邸祠膏太乙官燭
龍談不謬蠟鳳戲非空上下隨烟燼游人個個同

春城花萬樹行樂夜何如鴉繞思烟外鷄奔建丙初移

門皆結葦鼓鐵一成書晉乘相傳事今宵信有諸門設葦炬

雕鏤錐甕壘塔列鼎中燕薪炭都成赤字丹書以爲吉祥

達旦高烧燭流傳漢季年史文容有闕里俗漫相沿元

夕春祠舉華燈夜市懸朗陵新位號非霧亦非烟關侯祠前

率構樂樓是夜危榮皆置燈相傳秉燭達旦表侯大節然事不見信史有辯其譌者又道家云侯爲西臺朗陵

大沁山房集

卷之二

詩
六

藏魔
上將

四山猶積雪九陌已飛花問鼎無丹竈吹笙有絳紗日

成巖閃電色醉酒流霞却笑更闌後依然兩鬢華

銅鞮官數里魚鱗徹明開銜壁金相射看花火急催紫

雲天際合紅雨月中來西漆俄增價名家賦取財

何意疆戎索繫華象帝京流丹泥作鏡虛白玉爲城電

燁天公笑星奔月御驚幸無烽燧警聞逐踏歌行

贈鄭督府賜告歸

書已傳黃石游仍慕赤松養生形似鶴出世道猶龍命

數專鈇鉞勳名勒鼎鐘極知君寵渥雅尚在明農

萬里度桑乾黃雲五月寒翻然拋紫綬不復據雕鞍
覺還山綠心餘報國丹安危都注意所願勉加餐
自愛小山隱誰爭大樹功歸帆江雨白臥閣海霞紅
架上披緇帙床頭掛角弓遙知南斗外劍氣吐雙虹
萬國趨王會秋風戰馬閒功成不受賞身退轉難攀
鱸膾三江去鴟夷一舸還何如班定遠空望玉門關

晉水

水可亡人國那知國自傾片言能樹敵三版得完城
陳迹流波迅高原戰壘平田家春賽罷萬畝種香秔

天龍寺

大泌山房集

卷之二

詩七

出郭兩由旬行行隔世塵盪胸雲縹緲策足石嶙峋
峰作香爐供花粧寶相新怪來僧似柏禿頂瘦長身
蘇剝開皇碣遺文十二三看山神自爽出世法誰叅
大力乘龍象分身作馬蠶未須論欲界佞佛亦成貪
何所問津梁三休到上方天香飄廣殿山氣宿空廊
石漱泉聲細林穿鳥路長疎鐘沉片雨坐覺俗情忘

萬卦山

觸目非凡境天苞與地符含章無兆體得位有方隅
石理龜攻墨山形馬負圖稽疑先雨霽知不墮迷途

夏后連山易先天固已然有形猶太素作對是重玄
墳

出函三外丘高用九前靈氛不可命空憶索筵尊
乾坤二篇策萬物數相當大衍分爲用名山副可藏古
今移海陸昏曉割陰陽已到羲皇上清風自送涼
成象龜龍異觀文鳥獸同野燒供楚燠雲氣覆蒼叢六
位時相次三才道自通數年如可假讀易此山中

登天寧寺山椒同徐憲使

上頭時隱見徑仄入雲孤野色荒垂盡山光澹欲無
葭依玉樹風露貯冰壺結夏蓮花社茲遊信不殊
樹影移飛蓋爐烟坐掩關病猶能躡屐俗不廢看山別
緒經年展清言鎮日閒時時長太息天步每多艱

大泌山房集

卷之二

詩

八

高臺臨汗漫新雨失炎蒸白苧衫初試烏皮几在憑一
丘宜著我雙樹許依僧語似霏霏雪冷然可服膺
古寺枕山坳攀蘿滴露梢峯頭龍樹合水口馬蘭交五
噉分僧食孤鐘禮佛敲故鄉時在念南岳漫相嘲

王太公以宿儒受子學使君贈

會稽饒竹箭有斐莫如君經術文中子書名晉右軍流
光飛紫電不朽附青雲尺一銜丹鳳馨香上帝聞
白屋名偏重青箱業自工北居穰畏壘南首臥空同國
舉儒宗日家傳察父風西河文學士世美頌聲中

劉惟衡憲使著詩宿成并寄新詩賦答

當代論騷雅如君幾擅名經曾收孔壁書亦鑿齊楹筆
陣千軍將詞場五字城于今秦塞外樂府奏劉生
垂白攻詩學書成襲縹囊千秋窮浩瀚列宿動光芒東
海風誰表名山副自藏遙知函谷外真氣鬱蒼蒼
浮梗元人世飛蓬更宦途青雲名未立白雪調彌孤病
臥拋談塵悲歌擊唾壺憐君才絕代木象殢秦厨
邂逅三川道深憐臭味同向人羞瓦合薄宦任途窮楚
語須齊傳秦兵較晉雄無階稱下走心折對西風

九日五臺道中苦熱

是月衣堪授輕綿尚未裝久慳天一雨真覺日重陽塞

大泌山房集

卷之二

詩

九

暖鴻猶帶條枯蝶共黃相從多道喝策馬向清涼

宿趙文部芳茹園

斯人在丘壑吾道自崢嶸句曲山中相袞斜谷口名霜

華搖燭影風樹答書聲莫作匏瓜繫安危屬老成

嚴城財咫尺門巷寂無譁水鏡清何甚山杯味轉嘉三

花仙客樹五色故侯瓜語及文章事中原此大家

命駕來千里端居自一丘溪聲山院靜雲色竹房幽玉

露寒頻下銀河澹不流連城趙氏璧應爲故人投

間關過井陘一宿話丁寧落日城頭紫平臺樹杪青圖

書高四壁翰墨動羣靈不飲公榮酒將無取獨醒

曲逕穿叢簿疎櫺翳薜蘿賢經方校遍琴譜調翻多長
日清尊遣浮雲俗態過悠然千古意拊缶仰天歌
野靜雲光白秋高樹影斑徵歌無下里酤酒有中山何
必逃人外方能出世間泠然清客夢忘却故鄉還

子愿齋中作

解道卿惟月相從士若雲五車窮鳥篆三管鬻龍文榻
自南州下庭誰左席分盤食時不繼將帖換鷺羣
三逕竹蕭森跲然到足音諦觀燈下色款語夢中心地
覺河山縮天容歲月深無爲浮海嘆文字貴雞林

鴻鵠元千里龍蛇各一時終南羞徑道剡曲謝山貴閉
大泌山房集

卷之二

詩

十

戶成玄草畚田種紫芝無書輦上客名自震京師
人情多蠹尾世路總羊腸嘉爾能肥遁憐余亦瘦狂上
床容並坐東壁借餘光昏嫁何年畢相邀學向長

戲馬臺

八千人自將七十戰誰當楚士歌羣奏虞姬泣數行江
東非地小垓下是天亡盤馬猶遺俗騅兮逝已長

水合

扁舟隨逝水何意滯荒城平野蒼茫色流澌哽咽聲狐
疑行且却鮫淚拭還傾重繭衣裘坐陰陽患已成

清河夜泊

黃河臨斷岸明月上孤舟平野連山入寒澌帶郭流霜
啼鳥鵲冷天圻鴈鴻愁最是關情處悲筇古戍樓

淮上陳山甫過訊

霽雪行蓬累清淮穩布帆未空身五蘊先習口三緘施
報誰秦晉存亡自楚凡驕人貧賤好吾亦老雲崑
三年秦楚別剪燭語偏深念我添華髮知君愜素心芥
水估客舫敲月女郎砧何處淮南桂相招入茂林

李司徒府中卽事述懷

分手十年期愁添鏡裏絲綺談揮麈尾浪跡問鴟夷劍
氣風蕭爽珠光月陸離鷓鴣欣有託安穩白榆枝

大泌山房集

卷之二

詩

十一

才逐衰年盡情投俗態難可憐青眼在猶作采毫看角
語江天曉城栖海月寒侍兒頻熾炭爲念客衣單

吳尊尼爲弟公勵卜宅輟以居余感贈

古人多讓宅宅自出贏餘以我淹行李令君辟闔廬澤
無哀鴈集巢有拙鳩居却笑揚州鶴人間願總虛
豈謂鳶鷖雀投栖得茂林主賓成互體兄弟見同心選
射錢編埒爲園地布金風流傳往事轉覺受恩深

十三日吳宅觀燈待月聞晉臺彈事作

餘波唯恐及彼岸已先登芻狗宜爲爨冥鴻枉避矰對
君三秀草留客百枝燈耐可談風月無辭酒不勝

生平三仕已玩世信流年爲謝中山篋催歸夢澤田銀
蟾能載魄林鵲不驚弦邀月華燈下塵情自爽然
麴鬩休占卜尊鱸喜共君燈花先萬樹月色逗三分蘭
爲凝香麝膏能繼晷焚良箴深自戢何以報殷勤

十四夜吳宅燈燕

主人能好事杯酒接餘歡郢曲陽春布吳歌子夜闌紫
姑方卜歲青女不成寒聞有張燈令先期結伴看
卜夜上元前春光自可憐燈如花爛熳人與月嬋娟溫
玉朱顏倚深杯素手傳嫣然時一粲蘭氣藹非烟

送王進士入京

大泌山房集

卷之二

詩

十二

大業江都後儒林又董生六丁真宰秘二酉校讎精汗
簡青相次含毫彩自成談經開虎觀天子舊知名
世受青箱學江淮第一流鄉評高月旦野史繼春秋晝
舫三千里紅雲十二樓衣冠趨祖帳誰不美仙遊

禪智寺得來字

蕭寺今如此隋宮安在哉泉甘餘汲井石泐罷登臺烏
雀春孳尾牛羊夕下來乍驚風雨過宰木莽生哀
跼屣花爭綻提壺鳥數催無將春事負空爲昔人哀衣
冷松濤合帆收穀雨來陶然餘興在攜手詠歌迴

贈王太古

不事家人產都無俗客緣名山隨白恰流水韻朱絃狂
與癡誰勝貧非病可憐相逢深惜晚少日奉周旋
相知殊不少天壤有王郎一曲歌飛雪千金字挾霜才
誰堪甲乙名豈借游揚別後看明月何曾隔兩鄉

送董明府如京師

種花曾滿縣何處復行春簿領勞詞客壚頭失酒人折
將官柳贈念此女蘿親尺素雙魚寄吾其問水濱
同作淮南客三春忽已過蒹葭依玉貴瓜李得瓊多澤
處神偏王天游氣自和今朝愁別意深似淥江波

濂溪先生祠在鶴林寺右

大泌山房集

卷之二

詩

十三

十笏伽藍地千秋俎豆官君非依佛日人自表儒風流
水行踪逝高山仰止同池蓮秋未老爲薦一枝紅

月夜北固山亭得平字

明月滿高城長天一鳥鳴江聲侵杖履山色帶柴荆春
水浮空遠晴雲入望平莫愁仙路杳東去卽蓬瀛
極浦漁燈細幽岬鬼火明春陰團樹色夜午報鐘聲雲
淨千峯出江空一鏡平石欄聊假寐鶴夢與同清

孤亭一斗酒色與淥江清月出人烟斂潮迴古渡平婆
娑高樹影撥刺細鱗聲濠濮何煩想悠然有勝情

月明行處有今夕若爲情春樹三山色晴江萬里聲寺

窺龍藏近地接蜃樓平
醞酒凭欄外前朝幾戰爭
蕭生載酒甘露寺

步屨過名藍言從許掾談
笋厨分法供蓮社縱清酣
已辦登山屐先投逸海簪
明朝湖上曲不唱望江南

吳司理赴徵

揚州明月色六載爲君多
紫鳳徵賢詔驪駒送客歌
山川留勝蹟江海足恩波
所願迴天力含生飲太和

吳師利文園長齋奉佛

閒居寡營慮彥會得從容
烏識春聲換花蒸暑氣濃
徵歌無下里說法有南宗
日涉園成趣惟餐五鬣松

大泐山房集

卷之二

評

十四

爲園城市裏心遠自無塵
取友皆同調逃禪是宿因
文裁三管品杯釀百花新
念我歸田老相過不厭頻

今日文園客何如漢馬卿
素封三世業彩筆一時名
傲骨偏耽隱齋心雅好生
繩床趺坐罷花鳥伴經行

樂志園居勝塵情地隱忘
形骸從土木名理自金湯
瓶灑楊枝水爐焚柏子香
願同彌勒住米汁好相當

夏孝廉齋中

栖栖何所適把臂入林中
爾自高南斗吾當拜下風
一編黃石老孤劍白猿公
信是多奇遇手神自不同

國士交初締鄉人好豈私
數巡金谷酒一賦玉臺詩
任

俠虬髯美封侯燕領奇加餐深自愛遇合莫言遲

答李公子兄弟

藉甚高陽里風流見二君一經傳素業雙劍吐靈文天
上圖麟閣人間下馬墳相儒名世事策足向青雲
自忝平津客銜恩閱兩朝通家敦舊好異縣款良宵陽
九時當厄魁三象不遥軒庭雙鳳管先試玉人簫

李中丞城南園

憑熊曾問俗汗馬復垂勲宿世爲仙吏中年號隱君江
浮三楚樹山帶六朝雲向夕燒銀燭登樓共論文

綠野紅塵遠青天紫氣流江聲清入座山勢巧當樓賓

大泌山房集

卷之二

詩

十五

客歸元禮圖書富鄴侯蒼然平楚外歌吹自揚州
驄馬入西秦摺衣拜後塵烟霞新結侶草莽共稱臣碧
水搖蘭槩青山擁畫輪却憐朝市者負此廣陵春
買地開三徑移家傍五湖花間迷謝屐竹下出郇厨子
夜新歌妓高陽舊酒徒摩挲看故劍壯氣欲吞胡
春開金谷障世隔武陵谿把酒花饒笑穿林鳥故啼潭
間漁網集雲際客帆迷指顧平原外隋朝尚柳隄
芳郊積翠深流水入花陰啼鳥猶朝莫浮雲自古今留
僧談白法謝客鍊黃金隨意將迎罷掀髯且獨吟

朱孝伯以初度日禮佛

覺路人天近空門佛日長從知身有漏欲度却無量優
鉢羅花現伊蒲塞飯香鴨着合喚女眉已白毫光
宿世身金粟初因社白蓮瞻依神八萬接引路三千果
出菩提樹池分阿耨泉無生俄自悟雨似散花天

次高郵

舟楫傍孤城重湖接岸平漁歌風外度市火月中明水
族鮮行膾溪毛細和羹榜人時喚起涼夜趁前程

張德夫儀部園

大儀司禮樂名與秩宗俱官況玄爲白人言紫奪朱巖
廊須柱石舟楫且江湖別業經營好居然治國模

大泌山房集

卷之二

詩

十六

野色愜幽人松蘿澹可親斷虹殘照盡涼雨暮蟬新著
作千秋業交遊萬里鄰楚狂無藉在醉岸白綸巾
松扉依水綠竹逕映花斑小構林中閣平臨檻外山目
隨高鳥盡心與白雲閒招隱淮南桂風流近可攀
定策曾扶漢迷花豈避秦東山名下士北海坐中人躡
屐除苔蘚鈎衣剪棘薪世途知更惡且息灌園身
寄楊海虞叔弟時爲博士末章致知己之感

河陽花作縣合署一山名所至皆春色相聞盡頌聲鸞
從庭上集魚向釜中生那得如君輩分符典百城

海虞有河

山楊花

念我同胞弟微官薄暮年負春財有廡列坐尚無氈名
豈詞林著情因故里偏題書深寄謝淚濺鴈行前

江靡館

捫蘿深入逕倚樹巧安牕野色憑疎雨潮聲枕大江雲
帆飛片片沙鳥浴雙雙況有歌金縷能無倒玉缸

蕭宜生載酒伯氏館中作

相過不厭頻稚子解迎人好事皆兄弟忘形迭主賓談
非牙後慧歌是耳根塵片片流螢火能隨酒百巡
雨聲殘暑盡山色晚晴多留客從盤礴呼兒進叵羅竹
枝江上曲桃葉渡前歌獨有悲秋者聞聲喚奈何

大泌山房集

卷之二

詩

十七

蕭四元升置酒伯氏館中作限韻

淮南蕭四繖煥煥自都街未若幽人室還爲學士齋談
經堅墨守志怪廣齊諧抱膝長吟坐高山力可排
飲酒宜兄弟相攜樂且耽清秋思過半卜夜至于三弄
玉隨蕭史奏青勝薛談嬌歌與急管古調兩無慙

宿羅光祿館中

人境結精廬門多長者車所居千乘重不食五侯餘日
暖吹葭律霜封寄橘書市聲無入耳自覺世情疎
豈無冠蓋客鄉曲自相親問齒慚先輩論心卽故人月
明城不夜地暖樹如春擇木羅含鳥文章五色新

不作乘桴嘆因成下榻名叢蘭猶楚佩白苧已吳聲賞
洽杯無算談深燭屢更金門堪大隱莫便厭承明
光祿園亭好多情信宿留歌隨鶻政變品按食經修雅
志琴山水靈文劍斗牛桃花春色早相約武陵遊

劉節婦詩

持將心匪石保此掌中珠慷慨安劉氏艱難立趙孤鶴
鳴陰和子鳳奏曲將雛列女君家傳光華永不渝
爲奉重樓訣嬛嬛四十霜孤兒能抱子壽母已稱王身
與熊丸苦心隨鶴髮長不禁朝哭淚頻墮百年觴

邗溝喜遇黃元幹投贈

大泌山房集

卷之二

詩

十八

滿地詞場客何人似古風七閩才獨擅六代調能工海
月明珠映江霞彩筆同孝廉船並載不復嘆飄蓬

真州夜泊

遠樹千帆出孤城一水分江波翻射日山氣鬱成雲斷
鴈寒相叫盟鷗晚自羣愁心將落葉良夜共紛紛

雪集羅君揚宅得三字

今夕田家樂豐年兆白三春盤先日薦臘味爾時甘客
計寬謀食朋情愜縱酣琳瑯千樹色獨秀自羅合

南山精舍爲司諫黃應興賦

三公揮手謝混俗灌園傭東海聞風起南山隱霧重仙

人乘九鯉神物合雙龍放達誰堪許家兒阮仲容從子元幹

人倫勝業
特所鍾情

亭子跨長橋天池上海潮一尊綠蟻酒三弄彩鸞簫歲

月寧相假林泉且自驕前身黃石是不待穀城招南有穀城山

何所做烟霞青山一徑邪壺公高士傳海若大方家梵

宇鄰芳樹繩床誦法華東林容易入心地本無瑕山多名刹

鐘鼓相聞

不為軒冕態鄉里甚相安泥飲從田父街談紀裨官雨

翻蕉葉綠日炙荔枝丹攬結英華盡淋漓在筆端

新春雨露過謝少廉烏龍潭寓水竹殊勝

大泌山房集

卷之二

詩

十九

逕轉籃輿曲泥融蠟屐輕水紋添驟漲草色散初晴江

外山明雪墻陰竹過城玉臺有新詠鳥亦換春聲

不煩濠濮想想宛在帝城隅霽色千門度流漸眾壑趨泮

水方躍鯉疎柳未藏烏莫道春猶淺須知日易徂

溪迴橋宛轉岸倚石參差雨色到門盡人烟出塢遲水

間亭作舫隄畔樹成帷不分山公醉風流但習池

聞道仙源近華陽小有天峰陰垂紫閣潭影寫紅泉鬪

鴨凭欄外籠鷺洗研前謝家佳子弟池草得春先山通勾曲

丘壑積然在真成野客居食貧非陋巷習靜是精廬茂

苑宜春外恩波太液餘却嫌招隱館未與市朝疎

曲水樹縈迴蒼然野色開新春人自舊今兩客能來列
岫青于染澄波綠乍醅龍吟隨笛奏莫遣有風雷

報恩寺塔燈

鳳刹勢參天天花步步蓮火從三昧入燈向十方傳雉
羽驚焚漬蛻脂照景懸奔星與激電不數永明年

爲憫衆生苦施燈願涅槃諸天光不夜百里色如丹火
宅情塵滅金繩覺路寬銀函三舍利望氣在長干

莫是成龍樹幢然法炬紅金盤非借日寶鐸自鳴風天
眼山河盡珠眉火月同恒星何必見夜鑿正當空

脂帝歸生趣燈王發妙明如星燄惑守拔地祝融平碧

大泌山房集

卷之二

詩

二十

海闕龍藏丹樓接鳳城火珠蕉葉裹空望露槃擎

雀離緣鐵柱夜力四天扶龍燭鱗成焰鯨燈目作珠乳

間開絮孔掌上照脂塗擲火流鈴事神通信不誣

日月燈相代金銀氣自浮九光流紺殿四照晃丹丘花
繞王宮滿輪迴鬼獄幽上頭昏黑到應笑寶山遊

方正學祠

高帝孫謀遠儲才輔後人比肩同事主強項不稱臣氣

壯河山色神宙宇宙身曾塗肝腦地灑泣薦江蘋

文皇深鑒汝爲主盡心忠大義乾坤正高名日月同須

知關氣數未易論英雄累葉分茅土猶多靖難功

國破心仍在身危舌尚存一生何足惜九族不須論
電閃曠時目星躔變後魂孝陵相望在法從自晨昏
玄黃龍戰血漂杵大江邊白骨紛相藉丹衷爛自懸
人瞻新廟貌地負舊城壩金爵觚稜目流光照九泉
一炬宮爲燼孤臣何所之出肝無可內斷臂莫相疑
汨沒鴟夷革橫陳井榦尸忠魂依故主如豆叱聲時
采薇商義士抱石楚靈均獨着麻衣哭何辭莖刃徇朱
弓心欲折碧草血猶新帝紀編年事于今有直臣

幼兒以父事許世範因贈

疾疹偏黃口艱難轉白頭君如絲續命我豈酒忘憂
附大泌山房集 卷之二 詩 二十一
翼將雛鳳餘生舐犢牛報恩漸息長賈父共千秋
隴西仙李後大岳許宗盟義起稱同姓恩深得再生
桐君今日事苗父古時名以永通家好從他世態更

送黃應興諫議還閩

孤棹春江上烟波正渺茫莫捫三寸舌空結九迴腸
虎豹關仍踞豺狼路敢當相看憂國淚不爲別沾裳
衰白相逢日蒼黃送別時填胸猶磊砢病骨已支離
百鍊金難鑠連城璧不緇搏風鵬暫息海運徙天池

朝天宮景陽閣

瑤臺傍五雲王氣結龍文星斗簷間綴江山杖底分九

成仙樂奏百和御爐薰好作驚人語將令帝座聞

黃黃叔宅

大隱居朝市于今見古人門雖臨紫陌衣不化緇塵磊
砢非凡骨支離是幻身卽時一杯酒爛醉任天真
入門何所見緗帙爛雲霞具得張三篋多方惠五車香
薰沉水木箋製浣溪花坐久忘歸去前林噪曙鴉

汪敬美永言兄弟館中

竹樹翳疏櫺江潮靜可聽山明初霽雨人聚舊占星虛
室心生白新篇汗殺青紛紛闖闖外蚊睫集焦冥

少年豪結客太史老稱公謬忝通家好深憐逆旅窮杯

大泌山房集

卷之二

詩

二十一

行蓮葉露曲引竹枝風倚杖看牛斗雙龍劍氣雄

吳幼時輓詩

挾瑟上高堂將雛九鳳皇那知神失宅不盡手持觴鬼
伯相催促天公自渺茫竹林同調客流涕酒壚傍

里門標大雅使者駐于旌羔鴈羣方集龍蛇識已成吹
簫貧士會絮酒故人情莫上山陽路愁聽夜笛聲

未老治菟裘俄然土一坏巢門占戴勝掘闕象蜉蝣出

哭苞餘奠行哀斥苦謳髑髏南面樂達者復何憂

倉皇生死別瓜步雨中舟迸淚三江水寒心五月秋露

晞鴻蒼易風入白楊愁欲奏招魂些南冠病未瘳

梁典客

梁公偕婦隱家世亦關西敵體同牢食揚眉舉案齊算
曾推日者道自協天倪玄宴傳高士千秋共品題
華封有三祝惟爾得全昌黃髮無前輩斑衣列幾行橘
中人自樂柳下衆何妨底事逃方外道遙歲月長
病中猶子營道來省悲喜交集

擬作相逢喜翻令乍見驚容顏非舊夢軀命是更生斜
月搖燈影淒風送漏聲離懷談不盡枕上涕縱橫
風波江上惡千里到孤航家難愁無定鄉書語不詳竭
來一握手差慰九迴腸繞膝諸兒女團樂夜未央

大泌山房集

卷之二

詩

二十三

送營道歸

我父年非老天乎不憖遺最憐生汝日未及抱孫時門
戶粗堪託泉臺香莫知牽衣一掬淚歸灑白楊枝
諍子名爲孝常兒遇所安俱存人一樂不匱事多端莫
以躬行直須知色養難亟歸呼阿弟相與采陔蘭

孝女詩

自謝黃扉直誰供綠野娛慰情惟弱女守志在狗夫縷
繫孤飛燕林啼返哺烏商丘人不老豈爲好吹竽
夙奉公官教還歸子舍居杼機深夜後笄總向晨初石
匪心難轉綢知髮有旃誰能貞且孝金管合先書

反馬當年事來歸復謂何所生求不忝之死矢無他儀
是兩髦髡思非佩玉儼翻憐宋國女一葦欲杭河
黃鵠雄先逝青蚨子復還永言盟葶蟻不寐想居鰥歷
下經傳伏宮中史續班相門真有種節孝出雙鬢
澣濯告言歸潛然涕自揮盛年兒早寡薄命父相依家
比弘農近談如散騎微生平子壻禮夢見尚無違
若箇操彤管人間有美談從夫復從父生女勝生男汎
汎舟爲柏盈盈芻采藍古來愁苦事校爾薺同甘

靈谷寺

入門不識寺五里聽松風香氣飄金界清陰帶碧空霜

大泐山房集

卷之二

詩

二十四

皮僧臘老天籟梵聲通咫尺橋陵樹春光共鬱葱
鐘聲微度塢山色曲通林樓閣窺天近烟霞出世深庭
虛鹿女至塔古鴈王沉已入真如境仍慚大隱心

俞仲茅進士歸將母久矣席間賦贈

小築帝城邊栖遲十二年孤生何所恃萬事總堪捐井
汲如江水山耕負米田詩人有束皙應補白華篇

絕裾安用子捧檄亦因人所幸桑田在差強菽水貧間
居潘氏母卜舍孟家鄰往往沉酣夜容歸後閣賓

爲程德懋悼亡

憶昔婚前定牽絲隔幙紗爲貧妻爲養宜室子宜家魄

忽歸蒿里顏空美薜華遺孤髻與亂一一淚如麻
牛衣方對泣鸞鏡又孤鳴負庶春誰相支機織不成德
非同色好文自有情生欲叩招魂術時聞步幄聲

郭司馬公蕭夫人春秋七十

聖主得賢臣垂衣四十春功名何所忌勞逸自當均龍
馬神偏王麒麟象逼真木公與金母拜揖奉清塵

豈不懷明主青山獨掩扉建寮何用武抱甕欲忘機老
父祠黃石尚書號白衣請看黼與佩有道日光輝

方外官司馬山中偶伯鸞齊眉青玉案鍊骨紫金丹鳳
律箏雙奏龍光斗並看追鋒車趣召未許穩綸竿

大泌山房集

卷之二

詩

二十五

文章屬司命得算定無疆字有五雲體書垂八角芒青
藜閣上校鴻寶枕中藏何以稱眉壽雲英玉杵霜

生來原不偶福德有榮觀閣道中台位魁匡上將壇百
城圖畫滿八座啓居安咫尺西山路文簫駕綵鸞

父母年偕老王侯臘降神東方攜宛若南嶽有夫人息
向鯤溟遠雛將鳳穴新天釐平格壽還以壽君民

白門喜遇羅公廓給事

判袂春江上魂銷二十年共看千里月忽到五湖船新
識多傾蓋高名願執鞭將鬚相勞苦情自故人偏

躡屩曳荷裳那知是夕郎當朝爲屈軼過涉豈枯楊字

挾風霜氣名爭日月光殿中折檻在聖主未曾忘

俞仲茅園居雜詠

綠鬢賦歸田才情劇可憐寫懷詩百一挾策牘三千月
計多中聖星文數聚賢老儉無比數來上孝廉船
小航池展鏡曲榭樹成幃石角支欹案潮痕上釣磯牛
羊日夕下烏鵲月明飛朝市知何許悠然已息機
水衣侵躡屐山帶繞憑欄鵲尾爐烟細魚腸劍氣寒歌
翻桃葉扇舞側竹皮冠却笑思尊客歸來歲已闌
四壁蔓蘿陰端居學陸沉魚梁危貼石鹿柴曲穿林夜
色重門柝秋聲萬戶砧酒中催理詠蟋蟀入床吟

大泌山房集

卷之二

詩

二十六

君家池館好易識復難忘疎樹經秋雨平臺下夕陽心
知魚共樂目送鴈成行何事鍾山客移文到草堂
不繫一孤舟鳧鷖泛泛游小橋沿曲水虛閣俯平疇作
賦籬間筆攤書竹外樓生身何厚幸避地亦皇州

貯春別業爲少宗伯蜀范公賦

岷山帝會昌別墅在中央大塊春先得端居日自長千
林文錦繡衆鳥韻宮商薄有家人產成都八百桑
玉女房非遠鹽官井自通有花皆蜀錦無酒不郫筒墨
水經箋璞玄亭字問雄史臣書已就藏副此山中

三川朝市地都作一園春黃潤收筒布朱提出冶銀竹

枝何處女花藥內家人寫向鷺溪絹風流事事新
駟馬懸車蚤蹲鴟別業饒三我連雪嶺萬里度星橋平
仲綠於染萋弘碧未銷菖蒲花發處還見五雲飄
春入園亭好登臨有侍郎星躔當井絡地位峻文昌列
岫青衣綴平林綠綺張綏山桃可種並駕葛由羊
爲愛碧山居章焚學士魚香聞七里外枝出萬年餘潭
水花相似江波錦不如凌雲茶甚美誰共賞春初

舟中值羅公廓生日因爲稱壽

先天未有始墮地偶同庚十日余慚長千秋爾擅名蟠
龍山氣王翔鷺海濤生聊以舟中景祈年酌兕觥

大泌山房集

卷之二

詩 二七

閱盡繁華態秋容澹可憐仁將芻狗寄德似木雞全內
景存三一微言著五千落英還采菊名是傳延年
珠探驪龍得尊開白虎領艱危容老大呵護仗神明欲
界三尸遁靈臺六鑿平仙槎從此泛人貌奉天行
全盛三朝日高商九月秋壯懷餘短劍浪跡任扁舟咄
咄書空字硜硜避世謀皤然東海老自與國同休

百峰肥遯詩

橫冶百峯生 高皇帝業成烟霞通御氣草木識威名
豹隱文初變龍潛德可行翹翹車乘往招子以弓旌

贈張子明

老傍青門隱人憐白屋貧河聲秋帶雨山氣暖如春囊
貯螢爲燭窻懸塵拂塵江天有處士星與上台鄰
蓬蒿看滿逕名士舊風流塞上從亡馬墻東不儉牛酒
無千日醉筆有五雲浮却笑疑年者泥塗老未休

過王德載作

俗駕到門稀攤書坐夕暉芙蓉彫故劍薜荔授寒衣賤
與年同老貧來戰不肥痴兒了公事儋石薄充饑
半山無佛寺一畝有儒宮曲逕寒雲外疎櫺古木中弓
曾張射虎絃但送冥鴻旗鼓詩壇上猶能却九攻

俞仲茅爲范漫翁築館落成

大泌山房集

卷之二

詩

三八

新裁招隱賦叢桂與同攀蟻壘空俄就鳩居拙自闕屠
蘇無棟宇菴畫有溪山天下多寒士誰餘屢萬間
烏鵲飛三匝鷓鴣寄一枝避人奔播遠羈旅卽安遲啜
茗長齋供書蕉遣興詩如何高隱士尚乞買山貲
向來鄉曲好異縣倍相親一謝傭春賃三遷代舍新端
居吾喪我送至主爲賓信是萊蕪裔惟餘甑底塵
墻東堪避世何事入山深草木春同得風塵地不侵儒
惟官一畝鄰礙宅千金到剡如官舍將無拂素心

公子

公子殊生貴揮金不作難裁衣火浣布下食水精盤絳

蠟頻迴夜文犀耐辟寒咄嗟成甲第都市萬人看
未通金馬籍先具漢官儀鬪勝兼狂瘦稱名半黠癡金
丸行處有甕牖語何爲狗盜雞鳴客低眉事弄兒
似非食肉相遙領大官厨舞自爲鷓鴣歌誰唱鷓鴣當
門金屈戌布地錦鞦韆聞道翽風退專房有綠珠
少年場結客無所事詩書博塞千金注方舟萬石儲雕
鞍馳怒馬瓊髮笑翻魚六五逢張角錢神自晏如

周生園

精舍無多地風塵故自超亂山如負郭喬木總干霄花
片飛成雨松聲驟上潮藜床何所用濟勝具偏饒

大泌山房集

卷之二

詩

三九

看山自可隣況是暮春天遲日采繁外光風轉蕙前避
人從嬾媪名士許周旋咫尺東林路還叅白社蓮
家在石城傍爲園似辟疆山容欺拾翠花氣奪焚香走
馬王孫草鳴鳩帝女桑拋書迎野客文酒暫相羊
源入桃花遠山盤桂樹幽枝枝春雨濯片片綵雲浮金
谷絲爲障臺城綺結樓書生能小隱選地自風流

朱生園

卜居雖近市烟樹水中央帽亞山花艷盤行野菜香春
衣裁白袷晚飯進黃梁顧曲周郎在梨園何可當
月令桐花始春燈榆火傳青山張畫壁綠水入調絃坐

隱碁三百狂呼酒十千何如遼海上奔走怯烽烟
春分晝漏長小史數添香鳥韻當筵曲花明攬鏡粧山
光遙入座石勢近連床向夜然紅燭巡簷照海棠
清明惜已去好事爾相招山雨花間展厨烟竹外橋吹
竿那許濫弄笛不須邀坐對吳儂語蓴鱸興味饒

讀永新龍諫議公遺事

夕拜章初上春明路已遙竄身曾躐海復跨亦龍標道
在官從薄寃沉謗永消九京如可起爲擬楚辭招
無言長拙宦爲政自鄉閭家號高陽里人成畏壘居及
門多問字憂國屢移書至今祠伏臘父老涕漣如

大泌山房集

卷之二

詩

三十

無首

五言

七言

我草際土春開韶日益寬良曾拙感於此亦謂

半

前

夫

君

劉

君不畫前疑小只嫌不香鳥請當錢曲芬則對錢掛山
劉碁三百狂呼酒十千何如遼海上奔走怯烽烟

六言律

宗人竹溪居士曾判雅州

浪跡三刀成夢迴車九折投閒海鷗相與上下塞馬從
教去還曲裏陽春白雪琴中流水高山當時六逸何在
竹溪今又人間

永嘉王光祿偕老詩

不少步兵厨酒自甘茹蕨餐芝龍潛在淵无咎鴻漸于
遠可儀結髮俱為華髮齊眉亦是龐眉蕭史雲英夫婦
太玉山中倡隨

焦別駕二人受封

大必山房集

卷之二

詩

三十一

郎君鴈塔軒翥伉儷鹿門盤桓別駕一車展驥疏封雙
諾迴鸞臺端笙吹秦史林下威儀漢官却怪焦先何事
力辭三詔江干

竹溪今又人間

卷去蜀曲裏陽春

鄭樞三刀成夢迴車

宗人竹溪居士曾判雅州

六言律

大泌山房集卷之三

京山李維楨本寧著

七言律詩上

丙午後作

貞成王孫示詠雪詩因贈時以余有河西除過訪
同雲鬢鬢度重闌指顧河山物候新郢里徵歌誰和者
梁園授簡自才人瑤階似借玉門色玉葉先迴帝系春
翠被復陶都不御白龍魚服淨無塵
剡水輕船興盡迴烟波如許渡江來當尊玉樹亭亭上
琢句瑤華片片開殿上沾衣偏作韻扇頭書贊最憐才
北風攜手同行客多少關情事可哀

大泌山房集

卷之三

詩

一

鶴擎仙姿故不同揮毫珠玉氣成虹幽蘭一曲難相儷
飛絮多才未盡工天女散花聽說法宓妃腰素舉流風
遮須王與梵王事今日依然在楚宮
封條積素照攤書有客言詩更起予冰在玉壺心共遠
梅開水部興何如九行莘澤西遊後十日梁山內省餘
林岫皓然成雅語可知名下定無虛

集曹都護宅

黃驄年少不如君結客場開意更勤校尉步兵惟貯酒
征南武庫總多巖城融雪春財半清角吹霜夜已分
倚醉籃輿容倒載無人訶止故將軍

楊元素相與經年殊不能別牽課四章爲贈情之
所繫語毋論妍醜耳

千里辭家兩度春青山相對不言貧關西清白三公裔
江左風流六代人名在總忘縫掖賤交疎偏向布衣親
何須玉柄松枝塵鎮日深談自絕塵

河橋楊柳送歸舟頻向風烏喚石尤天假餘年慈母在
人逢勝蹟賈胡留琴心未剖桐爲爨劍氣空懸蒯作緜
自是多材難遇合無言失計是盤遊

才情奕奕少年場家在江南舊帝鄉綠樹三山通御苑
青樓十里帶橫塘銀光紙養芙蓉粉金縷衣薰苴蔻香

大泌山房集

卷之三

詩

二

羨爾紅顏生羽翼仙人曾受枕中方

雙柑斗酒聽流鶯明日孤帆自友生知我情深惟鮑叔
離人泣下似荆卿幽蘭芳杜江臯色白雪陽春郢里聲
攜得錦囊詞賦滿漫勞僮僕候門迎

鄜城春望

西來山勢劇縱橫殘雪流澌試火耕一逕寒烟通古戍
幾枝衰柳帶春城彎弓月倚闌干上結陣雲扶睥睨行
怪殺黃蛇鄜衍口餘腥猶染曼胡纓

春季奢延驛雪

黑貂裘敝不勝寒款段泥塗未解鞍風雪滿天春已暮

星河垂地夜將闌壯心空自矜猿臂短髮何當拭馬肝
却憶五陵游冶客綠陰黃鳥落金丸

杜將軍城南別業

城南杜曲舊名家別館春開玩物華青眼依依窺柳葉
朱顏灼灼媚桃花酒人燕市聲相和鼓吏漁陽手自撾
一室掃除成底事憑將談笑淨胡沙
將軍西第肆賓筵半是圖書半管絃擊劍寒芒衝斗外
揮毫采色艷春前金屏暖坐孤城月火樹晴開萬竈烟
忽漫相逢多樂事教人忘却遠行邊

劉憲使太乙樓

大泌山房集

卷之三

詩

三

如帶河流大幕陰飛樓縹緲寄雄心星躔上將文昌府
地勝西園翰墨林著就六弦看虎變說成雙劍作龍吟
刺閨烽候渾無警對酒當歌夜色深

樓如籌筆筆如椽武庫春秋日幾篇清嘯胡雛爭却走
雅歌賓從奉周旋枕藏鴻寶千金藥書照青藜五色烟
校尉自提中壘印那知文苑更遊仙

魚河堡雪

馬毛如蝟落冰花薄暮嘶風自歎沙雨雪邊城身萬里
烽烟戎壘鬢雙華題書難覓銜蘆鴈欹枕頻驚繞樹鴉
何處千金龜手藥夜深銀甲撥琵琶

寄督府宮保蹇公

璽書三錫策元功師保班高鶴禁中肘印舊懸金化鵠
腰章新改玉如虹風清細柳無飛羽日御扶桑有掛弓
四十五年身許國番番黃髮古人同

壽李中丞尊人

甲觀天開瑞氣浮龍孫新御綠車遊萬方送喜趨金鳳
三老承恩杖玉鳩鄉里衣冠賢不乏雲霄閭闕國同休
人間自有華胥世何事凌風問十洲

紫誥迴鸞出禁中中丞恩數漢官同通班獨坐冠戎豸
拜賜安車軾畫熊名註長生東帝籍神游太古上皇風

大泌山房集

卷之三

詩

四

伊耆已授趨朝杖養老玄衣禮更隆

錦瑟銀箏列綺筵門懸弧矢似初年枌榆父老游誰健
蘭桂兒孫樂自偏三輔黃圖天闕下一星南極斗杓前
緇塵京洛渾無染始信堯時有偃佺

仙李根蟠世澤長天懸紫氣照華堂三朝耆舊歌鮐背
八座公卿序鴈行寶瓮丹丘曾飲露藍橋玉杵自成霜
逍遙日給河東酒開府封題獻壽觴

贈史侍御按楚

登車攬轡志澄清南國諸侯擁篲迎漢水春遊風一變
衡山雲淨日重明朱門客奉三閭憲綠野人閒百畝耕

惟楚有財惟晉用不知誰可大夫卿

端公風紀肅南床繡斧巡行帝故鄉按事列城多解綬
憂時雙鬢幾封章湘纍氣吐黃沙獄荆子寒凝白簡霜
我有二天歸去好儘饒生計蟻丘漿

翟道夜發

金甲光寒劍氣沉四郊刀斗正秋深挑燈且學聞雞舞
寢石偏驚射虎心霜勒杏城春不到雲生葦谷晝常陰
可堪良夜閨人淚九月無衣寄藁砧

冬夜宿歸德堡

朔風吹日日蒼蒼白首兵戈客異鄉曲奏關山行不盡
陣開雲鳥望來長漏聲寒送荒城月劍氣晴飛大漠霜
無數鬪體歆枕畔中宵偶語自沙塲

赴仲氏晉陽之約至漁河驛雪甚夢見之

白草連天入望寬邊烽隱隱掛雲端空山吹角孤城暮
急雪封條一騎寒書寄鴈行河外斷愁添鶴髮鏡中看
面談千里三更夢不似人間道路難

靖安王新第春燕觀燈作

虜旂客賀晉新宮燈火千門樂事同不請容車增割地
儘教長袖舞迴風醕行綠桂淮南隱筆吐朱華鄴下工
春色王孫先領取明朝芳草又郊東

畫燭成行繡作圍南冠愁病暫相依人虛左席驚年至
客愛西園竟夜歸丹牖梓材多氣色金銀斑管有光輝
王門不省書生事一榻孤燈綠燄微

花穉毬舞錦屏歌白玉辛盤金叵羅高帝子孫龍種別
諸王賓客兔園多枕中靈藥燒丹就閣上明燈拄杖過
晉國于今無不有空江莫問楚餘波

晉庠上丁釋菜有述

執中垂統治垂裳天造唐虞此冀方不有尼山人祖述
將無洪水世淪喪六經道並乾坤大二典書懸日月光
所以賢于堯舜遠萬年師事魯官墻

大泌山房集

卷之三

詩

六

洋洋河水引車旋嘆息槃操委命年大道莫容君七十
斯文未喪士三千忘憂終日絃歌裏行樂浮雲富貴前
趙孟遺踪何處問百官宗廟至今傳

贈鄭督府賜告歸縉雲

文武兼資命代雄雲中上谷簡元戎按兵五部皆歸義
何物三姑亦妬功賜告肯容淹日月餘威猶自肅霜風
仙都不隔人間世辟穀留侯入漢宮

名王交臂受羈縻臥鼓纍弓兩不疑得馬深愁非是福

推牛大饗欲何爲命嚴申畫郊圻日功在綢繆牖戶時

去國老臣憂更切數憑清夢到邊陲

師中三錫丈人尊管鑰清朝重北門道在行藏關世運
事均勞逸奉君恩飛鵬健翮培風息老驥雄心伏櫪存
卽有尚書真拜下白衣虛號可同論

臥病青山已倦遊起家沿牒又邊州浮名何用勞推轂
多難無方佐運籌飛輓軍儲千里費彫殘物力百城愁
太行九折羊腸阪白首同心有去留

丘汝洪力求還山不待報而行

一自投簪問隱淪荷衣蕙帶白綸巾倦遊豈爲文園病
久宦仍同粟里貧太甲五雲高炫彩清風六月淨無塵
莫言爵祿能驅士別有逍遙帝外臣

大泌山房集

卷之三

詩

七

薄板車輕易出關千人臥轍不能攀可堪朝野方多難
何事江湖又乞閒春色王孫芳草路秋風隱士桂叢山
淮南詞賦空名在羨爾歸來鬢未斑

贈史侍御入按三輔

江南草木已知名法從還歸扈帝京白筆簪冠當陛立
青囊盛印給騶行治書字挾風霜氣補袞衣垂日月明
驄馬都人誰不識五陵豪右莫縱橫

臺烏飛盡柏空枝風裁于今好獨持六察威稜插赤縣
三司推案直彤墀枝人不領承華廡刺史曾開督亢陂
典守總關天下計請看經濟勒鍾彝

職專察屯
政馬政

立秋日九龍溝觀蓮

徑僻山深事事幽，塵情如浣坐夷猶。相看菡萏千花色，不受梧桐一葉秋。帶雨香從衣上惹，凌波影入酒中浮。宜人少女風微扇，無數紅裙蕩小舟。

贈王藩伯入賀

平林鳥語報新晴，好去鳴珂上玉京。三晉雲山從北向，萬家烟火慶西成。壽星朝斗躔爲瑞，仙露經秋氣轉清。狗馬微臣留滯久，天涯夢自繞春明。

電繞神樞月貫虹，天行初度上皇風。方輪中使追鋒至，賀版諸夷累譯通。笙鶴綠車隨玉輦，軒龍紫扇御璇宮。

大泌山房集

卷之三

詩

八

須知受福從王母，文子文孫萬壽同。

上暨皇太子皇太孫稱壽 太皇太后

火城光屬鳳皇城，閒館珍臺自穆清。不遠天威臨玉几，

方升日色在金莖。仙班萬歲山傳響，帝鑑千秋月代明。

何事建章稱厭勝，土階長似泰階平。

三殿久燬故云

星言夙駕一封軺，謁帝承明路不遙。冀野九州先甸服，

虞廷四岳領官僚。班朝笏拄西山爽，獻壽尊開北斗杓。

姑射汾陽新賜履，王倪今得見唐堯。

次韻答曾太史

辱在泥塗亥首身，南冠可似楚纍臣。看花已少玄都客，按劍還多白髮人。得爾一言爲大呂，從它三館起平津。

慚無宮女蛾眉色薄命由來不解顰

晉王舉中子開宴西園應教

離宮選勝自先朝況是充間物色饒園有桃華能結子
庭蕃椒實遠揚條五文摩頂麟兒石一曲將雛鳳女簫
更向九成臺奏鼓玉筐新燕語偏嬌

桑弧蓬矢設門東邸第雲霄氣轉雄大國季蘭曾入夢
小山仙桂自成叢宗盟磐石千秋固天路銀潢一派通
座客金錢高會裏南冠潦倒媿無功

寄題王榆帥園

再持鈇鉞蒞鄉州負郭園亭晝錦遊管柳成行調繫馬

大泌山房集

卷之三

詩

九

市租張坐享椎牛臨關明月當杯墮入塞黃河迫檻流
亦有青門瓜五色須知大隱勝秦侯

紫電清霜武庫雄爲園名勝亦相同穿池水寫胡沙白
繞屋花明漢幟紅躡鞠不營兒戲事投壺載見雅歌風
向來曾忝河西節自媿羊求逕未通

寄邢子登兵使臯蘭

臯蘭山抱大河來使者西征作賦才紫燕追風驕獨步
蒼龍含景劃雙開旌旗細柳移營出鼓角卑禾截海迴
傳得摩訶兜勒曲葡萄深勸掌中杯

志就天文與五行風雲揮霍見神兵春王斗柄辰先正

月將河魁色轉明

子登精曆學有戌申立春考誤

雞鹿塞空收細作魚

龍水暖課深耕北間第一稱才士肯讓燕然片石名

石佛閣

丹崖青壁鑿空行文六金身自削成色相河山皆是法
形骸土木本無生清涼五月慈雲合窈窕諸天慧日明
莫怪毗耶長杜口石言于晉太妖精

河東王東園

薛家三鳳起河東王國才情異代同飛蓋不乘雲母輦
張筵多在日華宮洞蟠白石龍行水臺偃青松鶴喚空
最愛仙童年十五桃花春映小山紅

大必山房集

卷之三

詩

十

春集謝都護署時有滇警

薊門遼海遠從戎分閩并州節制通羽獵誇胡句注塞
金尊宴客晉陽官笛吹楊柳春前月騎蒺桃花雨外風
自是東山標致在不將絲竹廢葦功

高軒銀燭夜沉沉對酒當歌意自深候鳥逢春方北鄉
射鵬經歲不南侵并刀剪水千金色代馬嘶風萬里心
莫道英雄無用武昆明池上旅如林

報李民部金陵書

漢署諸郎自列仙金陵王氣正中天飛芻江海千帆月
振廩樵蘇萬竈烟桃葉渡頭春載酒雨花臺畔夜談禪

綺裘綵筆吾家事不盡風流付後賢

塞門飛雪鴈書遙客有多情問寂寥伏櫪壯心身已老
鑠金讒口骨全銷六朝山色殘春樹萬里江聲咽海潮
人世升沉君自見隨緣生計學鷓鴣

寄王陽甫中丞

中丞節鉞淨蠻烟身退功成綠鬢年驥尾蠅飛空自附
雞羣鶴在本相懸儒名投杵三言後孝行迴車九折前
華髮先朝同第客南冠楚奏晉誰憐

弱冠登朝位九卿歸來猶是舊書生一蛇中野能深隱
五犂西河自力耕蘿月涼窺行酒色松風徐韻鼓琴聲

大泌山房集

卷之三

詩

十一

王家子弟龍門學不羨烏衣塵尾名

立秋再集九龍溝看蓮

相將避暑酒中遊選地重過丈八溝客有三人來舊雨
花開兩歲遇新秋鄴池偏映詞林色楚服空裁故國愁
鏡裏紅粧嬌欲語憐余華髮較前稠

送李侍御巡視京營

十年汾水臥人龍帝簡新恩下九重攬轡乘驄清上路
彎弓飛隼射高墉蘭臺典策千函秘鐵柱峩冠百鍊鋒
無限賈生流涕事憂勤次第皂囊封

禁旅如山十二營先朝征伐四方平可堪兒戲師無律

枉使軍儲國半傾，牙繡召歸玄武仗。龍牙臥護羽林兵，懸知旌壘皆生色。不羨雙鵬侍御名。

送詹觀察之嶺南

天開五嶺海南隅，戰壘初平草木蘇。羊駕仙從城上至，馬留人向府中趨。清風自酌貪泉水，明月重來合浦珠。聞說過門三十萬，褰帷首按見金夫。

贈王比部奉使畿內還朝

年少名高賈洛陽，太原家世自諸王。長流赤縣新持節，襍直彤墀舊賜香。黍谷三春迴奏律，燕城六月不飛霜。纍纍詔獄思恩貸，封事從容獻未央。

大泌山房集

卷之三

詩

十二

御史大夫王公開府檀州督四鎮軍事

年少山東獨請纓，于今元老猷成攻。心上谷名王款掉尾，西川伏寇平報國。兩朝參廟算起家，三輔對輿情。長陵石馬餘生氣，倩作犁庭鐵騎聲。

運籌帷帳日從容，千里精神自折衝。桐鼓曲聲傳涿鹿，柳城烽信接盧龍。海雲晴閃旌旗影，朔雪寒飛劔戟鋒。馬弩關亭區脫遠，春來甲士半歸農。

日畿亭隧界扶桑，上將星躔北斗傍。武庫甲兵飛紫電，名家事業出青箱。射鵬鳴鏑風斯下，歇馬論文夜未央。狼子野心諸屬國，莫教鼙鼓動漁陽。

海岱英靈命世才戎旃高倚帝京開
薊門雨雪行邊盡黍谷陽春按律迴
白日貫虹人說劍黃金市馬客登臺
久知燕趙多豪俠可許擔簦躡蹻來

寄潘郡伯邢州時諸郎偕計

股肱畿郡帝鍾情黼座親題太守名
大陸秋陰開黯淡濁漳春雨見澄清
傳家並美潘江藻華國重光趙壁城
上計璽書行慶日仙郎著作在承明

孫憲使置酒王方伯別業因謁方伯祠

曲沼平臺面草堂薰鑪髣几坐胡床
疎林過雨晴猶潤小洞栖霞午自涼
簾外青山衝落照尊前紅燭惜流光
右丞遺像蒸嘗地四壁依然翰墨香

大泌山房集

卷之三

詩

十三

寄題李民部古勝園

世家門望冠并州別業城隅事事幽
花氣晴薰書幌入山光翠積酒杯浮
藤蒲方丈開初地杖履尋常總勝遊
最是登高奇絕處白雲汾水漢時秋
爲愛尚書舊草堂名園選勝有輝光
柏臺憲府清霜色蘭畹詞曹大國香
聲振林巒聞鳳嘯形如土木見龍章
通家累世深相識何日籃輿過辟疆

春暮登城爲同人寬旅況作

傲史風塵慘不歡城頭高閣一憑欄
霜飛萬樹青春晚

雲鎖千峰白晝寒車上耳誰生下澤琴中音自稱南冠
驛書相屬非奔命乘暇招攜興未闌

秋日晉邸西園應教

代

曲觀平臺接上官披襟共快大王風月華桂樹叢生外
秋色桐圭一葉中甸粟初登游省斂歌鍾遞奏慶和戎
梁園賓客多才儁授簡相如賦獨工

于文若中丞出撫三秦寄贈

天釐王國自多才司馬清郎論秀來故事人倫歸水鏡
新恩獨坐領霜臺風迴周道西方美春轉秦城北斗魁
文武萬邦誰不憲功成燕鎬幾堪陪

大泌山房集

卷之三

詩

十四

年少秦關擁傳過功名開府未蹉跎雲龍仙駕回中曲
天馬靈承太乙歌安堵百城連紫塞尋源萬里盡黃河
胡雛尚有狼心在爲勒松山夜枕戈
漢室長安舊鎬豐帝勤西顧簡元戎傳家在昔門容駟
問俗于今軾畫熊露掌登高塞大華風聲順下拜空同
向來三仕秦庭吏趨府盈盈步未工
中丞分闡奉牙璋百二河山賜履長按塞雄兵摧太白
攜家小婦織流黃破羗圖上留屯策征虜詩歌大雅章
載筆欲從書記後才名君自冠詞場

贈顧所建小侯遊秦塞

秋水爲神雪作膚少年官貴執金吾才高名士三都賦
興寄遊仙五岳圖却虜吹笳劉越石從軍草檄阮元瑜
征西諸將煩相問鞭弭橐鞬敢並驅
裘馬翩翩結束奇弃繻關吏問從誰河源直遡乘槎使
翰海平臨絕幕師候騎無烽傳首藉胡兒有泣墮焉支
希馮地記長康畫載振門風此一特
五花椽筆莫輕投白晷朱顏自小侯蟣虱經年生介冑
貂蟬何日出兜鍪胡傳柱史擣蒲戲士奉嫖姚躡鞞遊
知爾胸中多磊砢向西含笑想風流

金縢歲歲賜名王躍馬胡姬集市場渾脫舞腰西地錦

大沁山房集

卷之三

詩

十五

偏髻髻額內家粧笛吹楊柳春無恙酒進葡萄夜未央
萬里玉關閨夢遶刀頭密約莫相忘

趙太僕奉使豫章王邸便省覲司徒金陵

奉車驂乘股肱臣玉節金泥展帝親滕閣朱簾霞一色
匡廬石鏡月重輪諸玉擁篲行前馬詞客操觚拜後塵
最羨白門寧慶日錦袍花豔大江春
傳家幾許遙鴈鴻世德高門自不同九列官聯三品上
一時人望兩京中香秔粲雪司農賦臬騎成雲太僕功
早晚尚書臺並入承恩座隔御屏風

趙太僕贈劉副帥之代州

鏡歌任俠有劉生幕府當今可並名水火何曾交百姓
風雲常自護千兵行看大將登壇拜坐致單于解辮迎
飲馬滹沱流北向思鄉戀闕不勝情

劉京
師人

司馬論才啟澤宮如雲策士爾稱雄射聲校尉能嚴傲
遊擊將軍累建功尊俎折衝狼孟曲幃帷移鎮鴈門東
肘懸如斗通侯印仕宦金吾未可同

劉以金
吾外遷

和戎定策本先朝叵測狼心勢轉驕帥府居中權自重
王庭直北路非遙吹笳漢月臨關度按劔胡霜拂曙飄
但使偃烽句注塞不須京觀倚青霄

漢家班爵積前薪空老行間矍鑠身除却環瑱通將吏

大泌山房集

卷之三

詩

十六

特分鈇鉞及孤臣葦門天啟雄城色柏冢霜合絕塞春
三尺芙蓉肝膽在強兵訓練儼如神

贈孫元錫右伯

千騎東方在上頭使君官簿最齊州專征岳牧新行省
從事衣冠舊勝流一匹馬懸吳觀練三山蜃結海城樓
浮雲能蔽長安日早御扶桑照六幽
魚麗九戩渚遵鴻繡袞瞻依喜色同十二諸侯臨泗上
三千俠客走齊中築官瓠子新渠就輓粟黃腫故道通
久宦自知車有耳君恩旦晚軾憑熊

五臺山

自是如來座五方童真菩薩位相當天開梵筴歸中土
地劃胡塵控大荒風葉黃鋪金色界霜華素積白毫光
亦知功德難思議權示人間妙吉祥

布金初地貨泉流心自清涼境自幽水壑泠泠千古色
松風謾謾四時秋題名白馬來高足說法青獅坐上頭
大震那中常喜國虛傳海外九神州

飄然身世上虛空萬竅相吹大塊風髻縮螺文臺殿寫
形成鴈字塞門通河山環拱辰居北海嶠平臨日出東
紫府仙人何處所無方不是梵王宮

朔垂窮髮不勝愁大願船乘萬衆遊景幻竹林霜外出

大泌山房集

卷之三

詩

十七

色空金閣日邊浮千盤下界分雞足五頂西方象鷲頭
銜火燭龍成底事傳燈今已遍幽州

淮南地訓燭
龍古鴈門地

薄莫起駕赴臨邑先寄子愿

候人爲導忽生猜蓬葆何方客遠來匹馬衝寒秋色盡
孤城帶雨夕陽開將無燭火迎門路莫有商歌相國才
二十六年千里駕那能興盡便空迴

與子愿夜談作

門剪蓬蒿徑掃苔寒宵秉燭坐徘徊屠龍學誤千時策
歌鳳狂非濟世才青汗長貧仍削簡素心多病未成灰
頃簾舊好飛騰盡莫問何人壹者來

王任之兵使善星曆堪輿諸家言尤精農事

榆溪新築受降城經畧猶傳使者名烏盡弓藏何所用
鴻飛弋篡自無驚羅胸日月星辰度指掌山河阨塞成
內政寓軍齊故事知君非學老農耕

贈李方伯伯建自秦塞歸

數奇飛將不封侯納節還山尚黑頭名怖胡兒啼便歇
象懸梟騎射難投退身自應成功序減產空勞久宦遊
惟有杜康劉白墮時攜三雅與忘憂

飲柳侍御來仲園

不辟威稜白簡霜楚僮簷屨叩求羊柏盤新斝沾衣翠
菊賸寒花對酒香最是通家情莫逆深憐畏路態非常
題書早送徵蘭喜野老歡歌一舉觴

清源諸公出餞留別

不盡滄波日夜流故人相送駐行舟含情砧杵千門月
極目風霜萬樹秋南斗劍分龍近遠大江書寄鯉沉浮
乞身幸未先朝露白恰青鞋可自由

仲氏頌繫於蕭或數欲致之不得

咫尺山河萬里餘看雲白日眇愁余啼烏繞樹栖無定
斷鴈銜蘆網未疎茅經空爲管井哭組裘難寄合琴書
須知貴賤交情見寘褚恩深廣柳車

徐距蕭五十里不得見仲氏潸然永嘆

相逢何地不波瀾況是黃河水淼漫五十里將天共遠
一孤舟與雪爭寒愁心濺淚題書寄病骨支頤入夢看
幾度芥冰糜作就思來忽忽已忘餐

陽民部傅水部枉駕載酒

風波畏路客行難勞苦慙慙有舊歡狗馬鄉人年倍長
魚龍水國歲偏寒綠尊清寫叢生桂畫省香紉九畹蘭
努力共襄經世業楚江遮莫穩漁竿

湯水部數爲仲氏周旋

憔悴湘纍澤畔身大邦誰極復誰因爲呼麥麩人無恙

大泌山房集

卷之三

詩

十九

更折梅花使贈春義踐丹雞壇上語恩蘇洵鮒轍中鱗
片鴻孤鷺空愁絕霜月凌其野水濱

數過湯水部邸中作

京塵緇素兩相憐夢想容光十載前風雪初寒人對酒
水雲無際客歸船佳兒霧豹生文采清吏河魚給奉錢
不腆葭莩中表戚異鄉情話數忘眠

傅水部使人存問兼餉蟹酒

層水難向北方留兒女啼饑去住愁書素忽憑雙鯉至
酒杯還許二螯浮温如雪子宜稱伯活却波臣不貸侯
東閣官梅何水部一枝春色滿扁舟

訪丘汝洪使君家居時屢推京卿

淮海人豪百尺樓，楚狂相問繫歸舟。
三年塞上梅花寄，一夜山中桂樹留。
對酒何須論醉醒，著書原不爲窮愁。
江湖是處君恩在，魏闕能無戀子牟。

青燈白雪坐依依，戰勝紛華貌自肥。
塞馬喪來真是福，海鷗能下爲忘機。
已無婚嫁關心在，卽有交遊會面稀。
啟事尚須卿省月，江天夢想見容輝。

贈陸無從

同聲相應氣相求，傾蓋新歡兩白頭。
歸我蘭臯方緩步，攀君桂樹且淹留。
窮居自設三經席，豪舉誰登百尺樓。

大泌山房集

卷之三

詩

二十

幸託布衣交最貴，罷官殊勝上揚州。

褐衣芒屨白綸巾，時有干旄謁後塵。
肥遁三朝名下士，清遊四壁畫中人。
五雲太甲扶空度，南斗文星避舍頻。
聞道青宮方嚮學，老更新命到蒲輪。

集謝曰可宅得池字兼懷其兄果州

自伏青蒲涕泣時，十年鑄黜賜環遲。
卜居遠就栳花閣，比舍相依玉樹枝。
有客言詩客上坐，何人載酒不探奇。
懸知劍外今宵夢，芳草先春綠滿池。

元旦雪

積素凝暉報歲華，飄零似學客無家。
釀寒對酒難成曲

薄暝張燈與作花興盡輕船迴剡水魂驚絕幕捲胡沙
初年自有椒觴客夜午驕嘶白鼻騮

人日陸無從宅得梅字

隴頭曾寄一枝梅此日過從數舉杯雪色猶含生菜細
春光初入綵花開諸儒風雅推先輩處士星辰接上台
二美東南人最勝不須金箔畫屏裁

先春三日集顧所建小侯宅得魚字

竹西歌吹列侯居春色人間總不如彩筆椒花稱頌後
青絲菜甲獻新餘玉聲將奉東皇佩木德先陳太史書
傳舍客無彈劍缺邗溝行釣負冰魚

大泌山房集

卷之三

詩二十一

贈林深州

南省魁然早策名一州如斗號專城漢宮妒女娥眉入
秦地羈人象足生咄咄書空誰問字烏烏倚醉自成聲
波臣東海家相近曾向滄桑見世情

銀艾高懸大守章少年中廢一空囊數奇抱璞荆山客
跡晦償金漢舍郎盛氣片虹能貫日愁心六月爲飛霜
江南春色饒佳麗天許閒身樂未央

寄方郡丞瓜州時繕大觀樓落成

江北江南節制通舳艫千里瞰鮫宮風雲氣合騰裝外
山海圖歸罨畫中柳葉連營籠岸綠桃花飛騎射波紅

登樓不淺胡床興理詠誰堪佐庾公

春郊

烟籠楊柳帶靡蕪雨後溪聲萬壑趨
夾岸花香隨走馬長林鳥語對呼盧
錦茵繡幙塵相望玉管銀箏調自殊
明月漸高迴白舫泠然風露在水壺

鄒明府以抗橫瑞罷歸行游廣陵

放逐雙鳧漢水涯于今國事轉堪嗟
孤臣自許心猶赤久客誰憐鬢已華
野渡聞歌翻玉樹荒祠摩碣問瓊花
銷沉世態看如此好種青門五色瓜

送梅生入蜀訪曹使君

大泌山房集

卷之三

詩

三十一

孤舟春雨度江關踈地長條柳可攀
巴水漲時迷蜀道楚雲深處見巫山
青尊偏發狂奴態綵筆能迴病客顏
況是曹丘生長者相逢不作倦遊還

送袁材官赴司馬省試

珠勒金鞭控紫駟翩翩豪舉澤宮秋
席間借箸籌多中盾上飛章筆莫投
讀得遺書過半豹發來新刃失全牛
君家四世司空府誰似從軍拜徹侯

遊盱眙瑞巖觀次韻

白雲深處帝鄉居陵邑千家奉掃除
洗耳流泉清似潁盪胸平野遠連徐
神符龜食千齡兆王氣龍文五色餘

三后在天長對越空傳手攬化人祛

觀在
龜山

逶迤石逕掛城頭上有仙人十二樓沛澤雲光風外度
峭陵山色雨中遊磬浮一片聞天樂鎖掣千尋伏鬼謀

自昔大川分四瀆濁河今已入清流

龜山有禹鎖
巫支祈遺蹟

仲春雪夜李民部宅得寧字

故舊相逢眼自青良宵莫遣酒杯停孤舟興較山陰劇
一曲歌從郢里聽詩品流風如宛轉年華集霰對飄零
春光不爲愁人逗豐歲先占萬國寧

壽孫翁

華館春開物色饒行觴賓客半當朝蟠龍伏虎黃金藥

大泌山房集

卷之三

詩

二十三

語燕流鶯碧玉簫桂樹小山深結社桃花流水遠通潮
後車莫羨非熊事仙侶蓬瀛近可招

汪丈人移家吳門開八袞矣

吳城旅館結隅間心遠紅塵夢自閒卜夜一尊攜問字
喜晴雙屐出看山市中隱不更名姓廡下春曾共往還
見說蔡經家近在乞將仙藥駐朱顏

別金翁

歸來吾自愛吾廬爾向他鄉賦卜居金石有章腰不繫
盤盂無食手空書龍門河上游元禮狗監宮中薦子虛
古意于今誰得似途窮日暮共躊躇

郭外同友人春望

楊柳溪橋帶郭斜，綠陰深護野人家。
水心魚戲分萍葉，屋角鳩啼入杏花。
畫舫沿流歌遞奏，青旗隔岸酒頻賒。
閒吟鮑照蕪城賦，灑逸平原照落霞。

贈劉光祿

紫庭清切大官丞，有酒如淮肉作陵。
繞砌春生三秀草，張筵月映九光燈。
枕藏鴻寶傳劉向，家在龍門御李膺。
白髮江湖騎夢裏，依然入直擁青綾。

黃髮齊眉舉案行，瓊花春酒玉簫聲。
八龍里署高陽號，五牝家傳倚頓耕。
侯自素封能煮海，仙逢丹竈易登瀛。

大泌山房集

卷之三

詩

二十四

腰纏十萬尋常事，空羨揚州刺史名。

隋宮次韻

馳道曲縈秦地遠，飛樓俯瞰蜀岡平。
垂珠殿脚三千女，衣錦江頭八萬兵。
樂府無端翻水調，宸游不返變宮聲。
玉鈎斜向雷塘路，是處春農帶雨耕。

楊花飛去李花新，遭箇春來不當春。
月觀風臺原上草，龍舟鳳艑路傍塵。
諸姬何在呼髣藥，校尉相持解練巾。
長夜祗今誰憶起，生憎除却烏司晨。

繡柱珠簾玳瑁梁，別開西苑象咸陽。
百輩螢散華燈遠，五斛螺供畫黛長。
羽衛橫街迷日景，綵花成樹奪春光。

琵琶新曲安公子爲報并州有李郎

六局裙披十二多八鬢新髻挽翻荷翠冠浮動通天起
席帽輕纖禦雨過妬殺詞臣吟昔昔醉遊宮婢戲羅羅
外間大有圖儂計拌作長城可柰何

馬上清遊曲未終朱航早發顯仁宮朝開水殿千艘會
池引江湖九曲通暑氣生涼簾蔽日寒光送暖鏡屏風
誰家種得隋隄柳春到含煙綠正同

寶帳金罍五夜香綠紋螺盞酌紅梁月重懸鏡亭前暈
星避流珠院裏光秀色可餐饑自療多情得意病相望
花園宛轉忘歸去寂寞關河舊帝鄉

大沁山房集

卷之三

詩

二十五

秘苑名花萬樹栽如花顏色鬪春開伴將無賴橫波住
夢爲多愁傍輦來玉女行觴歌自按絳仙持檝句新裁
翻增驍果思鄉淚不待君王夜却迴

粧成一似飛仙爲問君恩若箇邊滿殿水晶相映發
深宮春草對芳鮮履緣行雨鳩頭蹙扇邊流雲雉尾懸
不少人間歌舞樂還將玉樹夢中傳

十年辛苦事遼陽野鬼煩冤古戰場氣盡英雄沉鴨綠
情多兒女學鴉黃飛郵果送同心結迎輦花開並蒂香
尚食鏤金龍鳳蟹隨潮猶貢舊時筐

江城初見鳳皇樓爲愛江都是舊遊粧就楚官腰婀娜

學來吳地語妖浮索銜高殿羣鳥噪
斃盡空巢獨鶴愁
惟有遺詩風景在春來野水遶村流

大明寺

竹西歌吹日遊春雙樹曾無陌上塵
星斗諸天開萬象山河大地幻三身
渡江蘆葉乘風遠拂水楊枝帶雨新
杯酌不勝還自幸東林許作社中人

平山堂

踏歌何處不成歡況是登臨有大觀
萬井烟花當道左三山雲樹隔江干
僧談遺蹟前朝遠客對行杯暇日寬
最羨小橋流水曲垂楊嫋嫋一漁竿

大泌山房集

卷之三

詩 二十六

方郡丞大觀樓燕集

縹緲飛樓江上城江波如練對春晴
戈船夾岸牙旗影羽扇麾軍甲馬聲
望入海門天欲盡坐來京口月初生
亦知多暇堪乘興良士瞿瞿攷日成

程萬戶宅

漢家空羨素封侯腰帶橫金自黑頭
萬井烟花供嘯詠一時冠蓋結綢繆
碧油車引青驄馬畫燭筵飛白附鳩
莫道牽情歌舞隊清霜三尺拭吳鉤

金山

海若何年出化城鞭驅疊石象蓬瀛
波搖山似鼇番戴

雲起樓疑蜃結成三楚幅員分樹色六朝佳麗寫江聲
老僧慣見登臨客不具袈裟膝席迎

長江萬派日朝東片石中流砥柱同鐘吼潮音知並海
衣生雲氣欲凌空漁燈泛泛孤舟月歌管紛紛兩岸風
賦就大言懷宋玉扶桑近可掛彎弓

送伍生歸豫章

悲秋客舍復經春況是庭闈有老親芳草王孫歸去晚
瓊花玉女夢來頻西江霞捲朱簾色南里天開寶極眞
自覺故鄉風物好飛蓬空作遠游人

送朱中允入朝

大泌山房集

卷之三

二十七

宣麻學士入登瀛是處衣冠擁篲迎儀鳳樂成虞胄子
獲麟經續魯儒生金莖拂曙趨朝色玉笋分班委佩聲
一自卿雲紉縵縵重華舜日倍光明南里天開寶極眞
承祧九廟帝靈長甲觀猗蘭奕葉芳東序尚虛絃誦業
西明未奉燕游觴天回秘殿青蒲伏日就搖山玉彩光
遙想談經娛侍暇賡歌贊德漢時章
帝簡名儒領辟雍如雲才俊樂從公六朝文物收江左
五色絲綸掌禁中歌按玉簫人對月詩陳彤管史觀風
山東年少山東相漢代豪賢事正同

朱旗夾岸引樓船不待吹噓自上天論定五經摧五鹿

位登三事兆三鱸先驅末路空相望東壁餘光雅見憐
爲納八荒仁壽域老夫歌咏歲穰田

贈陳解元

雲霄闕閱五羊城留後司空最著名卿復生公無媿長
元將比季自難兄南溟鵬翼培風厚合浦珠胎映月明
莫羨鄉書居第一臚傳春殿聽先聲

隴門卜隱詩

卜居深喜遂初衣戰勝紛華貌轉肥田叔獨辭梁獄案
穆生先避楚鉗歸機忘海鳥終朝下怒息溟鵬六月飛
見說長安多啓事弓旌遙問釣魚磯

大泌山房集

卷之三

二十八

寄懷王學參學憲

歸心邊馬渡桑乾且學隨陽鴈避寒夫子西河名自重
神人姑射見應難風塵偏妬雙蓬鬢江海能容一釣竿
聞道齋魚新送喜將依北斗望長安

雨夜飲梁孝廉兄弟東齋

家在秦城北斗魁連雲別第廣陵開石成太華三峰削
池寫咸京八水迴奏曲長干桃葉渡稱詩上座栢梁臺
故人深酌他鄉酒急雨嚴更莫漫催

年少紛紜翰墨場君家兄弟挾天章新開蔣邕人三益
舊憶秦川水一方雨爲黃梅淹入夜風從白苧試微涼

簷花細落能醒酒更道農家喜歲穰

次韻答蘇侍御

尺素書題塞鴈年多情鄉曲自油然繡衣持斧初行部
青翰同舟好是仙談笑清尊邀海月指揮如意劃江烟
附來驥尾浮名貴不問腰纏十萬錢

同彭侍御遊金山

風迴榆莢雨初收紗帽幢裕共倚樓鐵甕平分吳楚界
金陵環拱帝王州天空葭莢蒼蒼合水暖鳧鷖泛泛游
幕下戈船都肄罷吹簫伐鼓自中流

不盡狂瀾與逝川東南一柱自承天獨持風裁登臺日

大泌山房集

卷之三

詩

二十九

載見澄清攬轡年江郭午烟漁唱起海門晴樹客帆懸
鷓鴣冠似淘河鳥語及時艱便愴然

臨江醜酒揖山靈雨濯千峰兩岸青極目浮雲頻北顧
齋心如水對中冷妖氛遠遁然犀渚勝蹟幽探瘞鶴銘
坐待海潮隨月上乘風直欲到殊庭

天開淨土碧波間六代遺踪尚可攀江雨陰晴殊衆壑
海雲明滅見三山魚從公子投竿得鳥解高僧施食還
憲府不妨寬禮數清談相對野人間

贈劉孝廉

晉國賢書早擅名淮南招隱賦同聲世家才子高辛氏

秘閣仙人太乙精，萬里崑崙河似帶。三門砥柱地爲平，山川鍾美知非偶。一蹴青雲致上卿。

飲王新建邸中，星大觀金門宴，予亦寄贈王樹前。淮海東南賜履偏，元戎斧鉞坐樓船。橫戈漕卒三千隊，游刃庖丁十九年。笑對青尊揮白羽，歌翻淥水韻朱絃。爲逢寰宇昇平日，野老來陪上客筵。白是王家饒韻致，不將貂珥向人誇。

送米廷評入京家有湛園余嘗結社其中

大泌山房集

卷之二

詩三十一

君家何在鳳皇城，晝繡還歸倍寵榮。天闕棘班羣士位，星躔李占法官名。讞書挈令平三尺，審克單辭聽五聲。最是上林諸詔獄，回霜收電仰生成。大白頻浮五白呼，江城拂曙角聲孤。相過賓客吳臺鵲，真賜郎官漢殿鳧。法從清華高九列，宦遊名勝歷三都。已知詞賦奚囊滿，更有宗家四壁圖。牛刀小試地三遷，衣素塵縑十六年。舟似鬱林歸有石，琴非彭澤拊無絃。歲星大隱金門裏，子夜清歌玉樹前。別後相思書信少，飛鴻漠漠五湖烟。

名園卜築帝城西，花下論文酒共攜。杖履十年無舊好。

琴書四座有新題
官雲縵縵毫端絳
玉燭煌煌閣上藜
野老江湖頻北望
泰階平正六符齊

李中丞兄弟宅得花字

茗椀冰盤汲井華
杯行河朔興方賒
錦屏新曲調紈扇
銀燭輕烟出絳紗
秋色乍驚梧一葉
風光自美樹三花
中丞熊軾車懸久
推轂朝賢詔起家

米廷評入淮南社得蹤字

酒人燕市日過從
遠別春明路幾重
列棘外朝趨召命
官梅東閣問遺蹤
揮毫一一文成鳳
解佩雙雙劍若龍
爲憶題門廷尉語
交情莫負晚相逢

大泌山房集

卷之二

詩三十一

喜秦京至自汝南

僦居春雨徑封苔
有客扶筇躡屐來
病骨貧深猶自傲
浮名老去任人猜
卽呼明月簫三弄
更醜清江酒一杯
坐覺詞源傾海若
眉間起色已先迴

送閩兵使之代州

鯨觀封成對蜃樓
牙璋新奉鴈門遊
黃榆白葦迷鄉夢
羌笛胡笳動客愁
快戰總諳風后陣
凱旋同飲月氏頭
無言三寸書生管
萬里長城萬戶侯

久客并州似故鄉
送君回首欲沾裳
三年薦早吹清角
千里啼饑謝餽糧
首蒼不肥西極馬
焉支空許左賢王

沙場莫有風塵色帷幄于今漢策良

同吳水部燕集分得花字

悲秋楚客共天涯對酒當歌莫憶家賦得淮南新桂樹
詩成水部舊梅花屏風錦牒層霄敞瀑布銀河一道斜
須信匡君廬畔住相逢語自帶烟霞

鹽官吳汝則仕四十年擢陪京比部郎蓋三入矣
通籍金閨四十年曹司仍檢白雲篇當官所至操三尺
扶老相將贈百錢竹馬春歸京口樹水犀秋淨海門烟
東南千里經營地往事依依入夢懸

可是清朝吏隱兼漢家都尉又郎潛考衷金布曾修令

大泌山房集

卷之三

詩

三十一

更直丹墀舊賜緣臥閣官雲生染翰開尊江月映鈎簾
相逢若問維揚事漫道張融海賦鹽

德慶守吳公謝事里居

五馬車懸賦考槃荷衣蕙帶竹皮冠貪泉不易心如水
勾漏曾經面渥丹花月四時閒對酒雲山百里盡凭欄
鷓鴣啼徹誰歸去空道人間行路難

蕭伯良舟中晚歸

清遊魚鳥自因依楓葉蘆花夾岸飛酒壓蟹螯觴政急
笙吹鶯管棹歌微朱旗帥府初傳柝白板人家盡掩扉
天末涼風知興盡舟行如馬醉中歸

坐招隱寺古樹下

雞園鹿苑鎖莓苔，山木輪囷器不材。
葉作天花隨雨散，香如露蕾逆風來。
怒號衆竅撻椎集，豎義單提塵尾裁。
顧問老僧忘歲月，幾經游客此徘徊。

陸長倩招遊鶴林寺

五里香稭路四隅，行來禮佛日將晡。
道人不韻非關馬，游女觀心欲化狐。
竹所涼風聲梵唄，桐陰薄露味醍醐。
君家清唳華亭鶴，可似開山卓錫無。

李立孺爲尊公狀乞銘

太師諸子縮銀黃，第五高名自鴈行。
秭苑菁華收綵筆，

大泌山房集

卷之三

三十三

朝家故實貯青箱，隣依貞白山中相。
官拜修文地下郎，最羨佳兒辭幼婦。
琳瑯金薤日爭光。

父行五

李下生身李下蹊，君家閥閱自關西。
編籬置筆三公枳，入閣攤書太乙藜。
丹穴鳳雛皆鷺鷥，渥洼龍種有昆駝。
曲江濤作詞源寫，可爲悲秋楚客題。

潘生江華閣得華字四首

白雲秋色鴈行斜，小閣疎櫺網碧紗。
樹外寒江楓乍落，籬間幽迳菊方華。
相攜躡屐胡床坐，與聽迴颿疊鼓撾。
何事目城偏得賞，丹樓誰不道如霞。

閒看秋水誦南華，奕奕才情自大家。
選伎石城雙艇子，

徵歌王樹後庭花相逢蕉鹿身如寄遂有尊鱸興轉賒
所媿白頭無藉在少年行樂向人誇

長天遠水帶蒹葭江外晴嵐散綺霞百尺獨居豪自命
三層新築靜無譁揮毫錯落生花筆連手縈迴擲果車
曾讀淮南原道訓登臺不必楚章華

牙檣錦纜艤平沙簫管樓臺百姓家地暖江南黃落少
天空山際黛橫斜賓筵隴右成蹊李文苑河陽滿縣花
三十年來今再遇那能青鬢不霜華

贈謝少廉

白頭相對一尊前傾蓋吳門憶壯年客路無囊堪脫穎

大泌山房集

卷之三

三十四

詞場有筆尚如椽病餘春色生池草老却塵心結社蓮
屈指故交零落盡不妨雙屐浪隨緣

授經槐市半門徒老作乾坤一腐儒沽酒敝裘長自典
看山短策未須扶才人善病如司馬野史稱良似董狐
却笑不冠王博士空勞歌吹奏驪駒

報司徒開府黃公

天人夙德冠羣公不與尋常閥閱同柱後惠文衣是繡
侍中朱芾王爲葱望宗四嶽臨初日履賜三齊表大風
解道新詩非俗韻親聞絲竹素王宮

熊軾東方問俗來百城安堵陟春臺當關虎豹驅除盡

行水蛟龍辟易迴錫帝玄圭通九貢歸公赤舄正三台
好將功德銘鄒嶧魯國諸儒議取裁

自是天生社稷身衣冠翹首奉清塵殿中文學無雙士
詔下賢良第一人績紀太常光日月聲聞曳履上星辰
願將岱嶽崇朝雨散作寰區萬國春

東方千騎上頭居夢想容光十載餘風雨偏妨歸客棹
雲霄忽枉故人書鵲鴿急難原何在鴻鴈分行網未疎
苦李道傍難報德相將惟有涕漣如

送林民部之陪京

畫省新參計相權君恩深重賜環年移來長度山郎令

大泌山房集

卷之三

三十五

策有成書海內篇閭左已徵秦市籍江南猶告漢緡錢
含香起草諸曹事早晚封章達御筵

梅雨絲絲錦浪生仙舟何處少逢迎榜人撾鼓開津纜
亭長持籤報水程花鳥四時春上苑雲龍雙闕漢西京
江山文藻堪乘興赤管從容賦自成

吳生齋中作

結廬人境出塵氛年少才講見此君鼎象雲雷千古色
劍衝牛斗七星文焚香花氣清相入臥閣松濤靜自聞
野老耽書成癖性過從時許坐斜曛

贈宗水部

清漳河畔草芊眠，傾蓋論交二十年。不遠關山千里駕，相從烟雨五湖船。馮郎已老空言偉，楊子居官枉尚玄。何似投簪淮海岸，閒看人世變桑田。

淮南桂樹鬱成叢，水部梅花自閣東。人善雕龍家紹慶，門容結駟里稱雄。彈琴互答千山響，破浪高乘萬里風。莫道壯懷今未就，閒居清享許誰同。

秋夜雨集方子野館得居字

豈曰無家嘆索居，良宵勝引自相於。催詩雨色占黃雀，炙管風聲到鯉魚。絕代瓊花人競爽，深秋叢桂老扶疎。不妨沉醉衝泥去，門掩寒燈咫尺餘。

大泌山房集

卷之三

三十六

丘伯畏明府六十長公進士歸壽

專城百里七閩天，膂力方將未艾年。民譽一時推上第，宦情三載賦歸田。月波清淺胡床外，烟雨空濛釣艇前。泛泛雙鳧相上下，須知令尹是神仙。

年少郎君賜第歸，承恩拜慶向庭闈。鶻稱御醕千金壽，綵戲宮花五色衣。自有高門容駟入，將無冥海息鵬飛。極知借老人難老，趣駕驪駒謁紫微。

答章元禮

十載南遷詔起家，衣冠留後領清華。含香日奏郎官草，夢筆春餘縣令花。月奉坐中人共得，風流江左事偏餘。

白頭病客勞相問未有瓊瑤報木瓜

爲憶窮愁歲再更悲歌當泣不勝情二人故是金蘭好
多士同歸水鏡清江外鴈行乘月去雲間帆影趁潮生
他鄉戀戀諸兒女坐隔郵籤兩日程

出入曹郎自列仙多君能賦兩京篇賜環聖主天初定
推轂清卿月正懸攬勝六朝歸杖履掄材九品屬陶甄
可知官號爲文部一字中操袞鉞權

頻年薪積漢官僚自是天曹雨露饒一水家通青翰舫
五雲班壓紫宸朝行邊却虜無中駟載路毆人有左貂
見說老成憂國淚秋風落葉共蕭蕭

大泌山房集

卷之三

詩

三十七

江都姚明府臨存賦謝

雙飛鳧舄漢仙郎爲政風流此一方紅雨春深花滿縣
黃雲秋合稻登場田家雞黍能留客海國魚鹽不病商
畿輔百城高第最天書會見召循良

窮愁歲月異鄉身子子干旄顧問頻紫氣將無占令尹
玄言何有謝真人恩從非望施偏重交貴相知樂在新
傳道楚氛今甚惡一塵吾欲受爲民

杜比部招集淮邸作

累世通家自故知相逢傾蓋白頭時門如列市心如水
酒有清淮肉有坻花受和風薰散帙鳥啼長夏韻哦詩

恩深一飯千金報，潦倒餘生力不支。

羈旅孤臣，弛負擔深杯。卜夜恣清酣，庭中月學蛾眉畫。座上風生塵尾，談鄉里衣冠。元杜曲交遊詞賦，又淮南爐香雞舌，飄雙袖，曾是仙郎奏事舍。

秋初再集汪仲實館得初字

寥泚天高露下初，宿筵夏屋稱權輿。千金未報王孫飯，四壁猶懸太史書。秋入桂叢題賦後，春留桃葉按歌餘。峭帆明發江東去，爲道風流信不虛。

許才甫過訪及于邗溝

隋堤衰柳宿寒鴉，故舊論心夜轉賒。古調似聞歌玉樹，

大泌山房集

卷之三

詩

三十八

清芬不減對瓊花，投人懷袖三年刺。久客扁舟萬里家，雲雨從他翻覆手。綈袍戀戀傲霜華，

急難無朋問寂寥。眉間色起廣陵潮，通家累世情偏稔。命駕深冬路自遙，海國六千君子卒。河橋廿四玉人簫，翩翩豪舉諸年少。儒雅風流爾故超，

季冬月望黃元幹載酒舟中分得四韻

清光人與月平分，今夜何其此對君。餽口四方深涉世，雄心千古細論文。顏山玉色杯中見，擲地金聲賦裏聞。結客少年吾已老，不堪名姓附青雲。

扁舟乘月廣陵城，城下江光對酒清。冉冉歲闌無復望，

厭厭夜午有餘情林如玉樹歌中度岸似銀橋仗外行
莫問繁華前代事逍遙遊自足吾生
天空如水月如霜白舫搖搖夜未央波委寒光金自鏤
樹涵清影玉相望萬家簫鼓新年近一曲關山故國長
杖掛百錢難盡醉鷓鴣裘可貫陽昌
邗溝晴樹接江東自在輕帆漾碧空一片冰心叅水月
數聲簫韻下天風紫裘獨泛秦淮曲青翰相將鄂渚中
羨爾才情殊不乏良宵勝事古人同

潘生宅喜雪

燭影沉沉漏轉長忽看飛雪到行觴當盧莫是青腰女
倚玉偏宜白面郎下里徵歌慚和郢平臺授簡憶游梁
窮愁無賴他鄉客亦爲田公喜歲穰

眞州迎春時雪初霽

江城疎柳雪初封款段衝泥客思慵春色自天開萬象
恩光滿地慰三農柘枝故諳名姬舞花勝新粧采女容
別有旗亭鳥集處辛盤行玉奏歌鐘

楊子令以除夕初度

江城絃誦萬家聲父老公堂奉兕觥春向椒花先弄色
香浮栢葉與長生官階一鶴揚州上仙舄雙鳧漢闕行
歲歲恩光何所似海天殘夜日華明

寄馮元敏先生滇中

萬樹梅花驛路香羅浮春色到瀾滄

自嶺南遷

炎蒸忽散隨

車雨瘴癘全銷拂劍霜南畧昆明曾太史

司馬遷

西窮沐

水有中郎

司馬相如

論才異代三司馬爲借文星豁大荒

鞅掌公家四十春軍船迢遞渡蘭津與圖千古開莊躋

學術三才綜尹珍靈蹟河生天馬子仙遊山祀碧雞神

可知頻到傳丞寺金色頭陀是後身

誰兼文武得如君萬里河山指掌分屬國三郎王後裔

盟津百濮部中軍社當憲府懸明月縣以詞林作綵雲

想到邪龍行化地唳空雙鶴與爲羣

明月社夷盟地雲南縣以見綵雲各

天沁山房集

卷之三

詩四十

旄牛徼外故多奇都入才人絕妙辭木有十華浮若水
蓮開千葉冒滇池青羌勅卒飛軍號赤斧仙官主簿祠
洱海年年清夜色形如初五月生時

羊腸繩屈左擔行叱馭長驅有勝情重譯蠻書飛木夾
番休戍壘畫銀生光珠穴映揮毫色碧玉泉諧理詠聲

饜事無多時命酒海紅花下秦蘆笙

吹角鳴笳出漢關西南行省控諸蠻鹽花的鑠青岭水

石勢參差白蠟山種落已收三賤盡渠魁仍縱七禽還

卽看鐘鼓彤弓饗召入慈珩赤帶班

穹碑雙峙峴山頭

先生部節襄有惠政

特簡去

止屬武侯遙想營

中麾羽扇還如閣上坐輕裘
媿偶蠻府清池躍郁駟雍
梁結壘畱太守黃金蛇不鑄
于今方岳最清修

從事多勞爲獨賢
白頭炎徼秉戎旃
益刀儻踐梁間夢

南中舊
隸益州

擊劍能開石上泉

竹王
事

華首門原通舍衛金沙

江可下戈船
庾降都督今何似
五大由來莫在邊

羅序之東臯園

兼葭白露已爲霜
卜築伊人水一方
負郭耦耕田井井
開軒環列樹蒼蒼
魚鰕晚市繁燈火
鴻鴈秋郊足稻粱
簫鼓樓船來往客
何如招隱共飛觴

又次汪鳴瑞韻

大泌山房集

卷之二

詩

四一

風波世路謝舟航
樂志爲園學仲長
酒對陶家籬菊色
衣沾澧水佩蘭香
山林最便閒身嬾
鄉里能容老態狂
有客題詩青竹上
破除幽獨晚流光

青蓮閣中憶李季宣明府貽其子伯達叔夜

飛樓百尺迥凌虛
湖海人豪氣未除
庭擾應聲能舞鶴
池蕃輟食放生魚
淒清隣笛三秋後
寂寞人琴九地餘
唯有名山藏副在
文光長射斗牛墟

維揚一俊憶當年
不盡風流事事傳
置驛鄭莊多重客
校書劉向下真僊
峯霞綺散毫端彩
江樹青含舌上蓮

人傑地靈元自勝
傳家雙壁出藍田

